

MATADALAN HODI REFORSA
SISTEMA REJISTU SIVIL NO
ESTATÍSTIKA VITÁL (RSEV)
TIMOR-LESTE NIAN

Renee Sorchik

Kontestu

Nesesáriu atu iha sistema sira kona-bá rejistu sivil no estatística vitál (RSEV) ne'ebé forte hodi informa ba polítika-na'in sira kona-bá saúde no moris di'ak populasaun sira nian, no atu aloka rekursu adekuaudu hodi servi populasaun sira ba servisu sira hanesan edukasaun, saúde (ospítal, vasinasaun, pesoál médiku), infraestrutura (estrada, aeroportu, etc.) no protesaun sosiál no servisu sira seluk ne'ebé hala'o iha nível lokál. Se laiha estatística vitál ne'ebé mai hosi rejistu sivil, susar atu komprende populasaun nia númeru aumenta (ka hamenus) ho velocidade oinsá no atu antisipa sira nia nesiedade iha futuru, no mós atu monitoriza saúde no ben-estar husi populasaun sira atu nune'e bele iha intervensaun saúde tuir nesiedade ne'ebé iha.

Aleinde ida-ne'e, rejistu sivil ba eventu vitál sira ne'e nu'udar direitu umanu ida. Sertidaun moris ofisiál ida, ne'ebé emite liuhusi sistema rejistu sivil, mak dokumentu ida ne'ebé ita bele uza hodi halo dokumentu legál sira seluk. Koletivamente, dokumentus hirak ne'e bele fó direitu no oportunidade sira hanesan direitu ba edukasaun, direitu atu loke konta bankária, direitu ba empregu ne'ebé remuneradu, direitu atu hetan asesu ba kuidadu médiku, direitu atu vota, no direitu atu halo vijen ho livre (ho pasaporte ofisiál). Iha situasaun umanitária sira, labarik sira bele prezisa sertidaun moris hodi bele prova sira nia liñajen no ho nune'e sira nia direitu atu hetan repatriasaun bainhira sira moris iha situasaun refujiadu iha nasaun seluk ne'ebé laos sira nia nasaun "orijén".

Rejistu mate importante tebes atu informa kona-bá padraun mortalidade nian – sé mak mate iha ne'ebé, nia iha tinan hira bainhira mate, no mate tanba saida. Se informasaun hirak ne'e laiha, ita labele hadi'a saúde no moris-naruk populasaun nian. Ne'e importante tebes iha kontestu umanitariu no emerjénsia bainhira konfliktu ka dezastre natural bele aumenta mortalidade, no prevene intervensaun sira ne'ebé prezisa ba saúde di'ak hanesan bee moos, nutrisaun, parteira kualifikada sira, vasinasaun, etc. Nune'e mós, sertidaun mate sira ne'e importante tebes ba fetu sira-nia kbiit no atu tulun sira ne'ebé vulnerável liu, hanesan labarik no ferik-katuas sira. Dala barak, sertidaun mate ne'e nesésáriu atu transfere propriedade no eransa, no ba sobreviventi sira atu hetan pensaun ka servisu apoiu sosiál sira seluk. Wainhira sertidaun mate laiha, populasaun vulnerável sira hanesan labarik ka katuas-ferik sira, sei labele hetan asesu ba servisu sira ne'ebé sira prezisa tebes hafoin sira-nia membru uma-kain ida mate, liuliu wainhira membru uma-kain ida mate mak uluk sustenta uma-kain.

Nasoins Unidas define rejistu sivil hanesan "rejistu kontínuu, permanente, obrigatóriu, no universál kona-bá akontesimentu no karakterístika husi eventu vitál sira (moris, mate, ka'an-fuan mate/mate ho fatal, kazamentu, no divórsiu sira)."¹ Nesiedade ba sistema RSEV ne'ebé forte hetan rekoñesimentu di'ak iha Objektivu Dezenvolvimentu Sustentável (ODS) ba 2030 nia Ajenda

¹ Principles and recommendations for a vital statistics system, Statistical Papers (Ser. M), UN, 2014-10-16, pp. 209–210, <https://www.un-ilibrary.org/content/books/9789210561402c009>

ne'ebé ho objetivu atu fornese identidade legál ba ema hotu, inklui rejistu moris, alvu ida ba nia an rasik (16.9). Liután, objetivu 17.19 subliña importánsia estatística nian ba dezvoltimentu liuhusi rejistu moris no mate kompletu hamutuk ho hala'ó sensus ba populasau no uma-kain sira kada tinan 10.² RSEV importante tebes atu alkansa no monitoriza ODS sira – Indikadór ODS nain 102 depende ba ema nia asesu ba sertidaun moris, sertidaun mate no sertidaun kazamentu; servisu ida ne'ebé RSEV de'it mak bele fornese. Objetivu ODS nain 16 seluk no indikadór nain 24 presiza dadus ne'ebé di'ak liu mai husi sistema RSEV ida,³ no ODS nain 7 husi ODS nain 17, no 17 husi sira nia indikadór korrespondente presiza dadus mortalidade nian kona-bá kauza spesífiku husi sistema RSEV hodi uza bainhira sukat.⁴ Atu asegura katak laiha ema ida maka hela iha kotuk, hanesan objetivu husi Ajenda Dezenvolvimentu Sustentavel, sei presiza dadus dezagregadu konabá populasau atu monitoriza progresu husi grupu marjinalizadu sira. Dadus husi RSEV nia sistema sira sei importante tebes atu kumpre nesesidade ida ne'e no hodi monitoriza indikadór nain 106 husi indikadór nain 232 ne'ebé bazeia ba populasau sira.⁵

Timor-Leste sai nasaun soberanu ida, hodi restaura nia independénsia husi Indonézia iha lora 20 fulan-Maiu tinan-2002. Timor-Leste mak nasaun insulár ida iha Sudeste Aziátiku ne'ebé ho estimativa populasau hamutuk ema millaun 1.3 iha tinan-2021⁶, 37% husi sira ne'e ho otas 15⁷ ba kraik. Timor-Leste nafatin sai nasaun ho rendimentu médiu-baixo ho PIB *per capita* menus husi \$ 1.500 USD.⁸

Molok independénsia, rejistu moris ofisial iha autoridade sira Governu nian la hetan simu tamba Governu nia natureza okupante. Batizmu ne'ebé halao husi autoridade igreja hetan favoresimentu liu duke rejistu ofisial, no kostume ida ne'e kontinua to'ó ohin lora. Hafoin hetan ukun rasik an iha tinan-2002, Divizaun Rejistu Sivíl no Notariadu husi Ministériu Justisa (MJ) maka

² <https://sdgs.un.org/goals#goals>

³ WHO civil registration and vital statistics strategic implementation plan 2021-2025. Geneva: Organizaun Mundiál Saúde; 2021. Lisensa: CC BY-NC-SA 3.0 IGO.

⁴ Richards N, Sorchik R, Brolan C. Why the sustainable development goal agenda needs strong civil registration and vital statistics systems. CRVS development series. Carlton, VIC: Universidade Melbourne, Civil Registration and Vital Statistics Improvement, Bloomberg Philanthropies Data for Health Initiative, 2018.

⁵ WHO civil registration and vital statistics strategic implementation plan 2021-2025. Geneva: Organizaun Mundiál Saúde; 2021. Lisensa: CC BY-NC-SA 3.0 IGO.

⁶ Baze Dadus Banku Mundiál nian <https://data.worldbank.org/indicator/SP.POP.TOTL?locations=TL>

⁷ <https://data.worldbank.org/indicator/SP.POP.0014.TO.ZS?locations=TL>

⁸ <https://data.worldbank.org/country/timor-leste>

sai nu'udar responsável atu hala'o rejistu sivíl sira.⁹ Maski nune'e, liutiha tinan ruanulu, nível rejistu moris nian nafatin seidauk kompletu (estimativa foin lalais ne'e hatudu 60% iha 2016 husi DHS¹⁰) no nível rejistu mate sei ki'ik, ho estimativa 23% tuir revizaun interkalár ESCAP ONU nian.

11

Timor-Leste no nasaun sira seluk iha rejiaun ne'e kompromete ona ba ONU nia Deklarasaun Ministeriál husi ESCAP kona-bá “Tau ema hotu iha figura” ho objetivu katak, *“to'o tinan-2024, ema hotu iha Ázia no Pasífiku sei hetan benefísiu husi sistema universál no responsável RSEV nian ne'ebé fasilita realizasaun ba sira-nia direitu no fó apoiu ba governasaun, saúde no dezvoltamentu di'ak.”* Foin lalais ne'e, Timor-Leste no Estadu-membru sira seluk no membru asociadu sira husi ESCAP adopta Rezolusaun “Implementasaun Deklarasaun Ministeriál kona-bá Harii Futuru Reziliente ho Rejistu Sivíl no Estatística Vitál Inkluziva”, iha fulan-Maiu tinan-2022, hodi afirma fila-fali kompromisu nível aas ho RSEV.¹²

Objetivu husi matadalan iha pájina hirak tuir mai ne'e mak atu fó apoiu ba Governu Timor-Leste, hamutuk ho parseiru dezvoltamentu sira, atu kontinua reforsa sistema rejistu sivíl no estatística vitál sira iha Timor-Leste hodi atinje objetivu sira hanesan (1) *Hala'o rejistu ba eventu vitál sira hotu husi ema hotu ne'ebé mak hela iha rai laran no mós sidadaun timoroan sira ne'ebé hela iha rai-li'ur, no fornese dokumentasaun legál kona-bá eventu vitál sira ba sidadaun timoroan no estranjeiru sira hotu ne'ebé hela iha Timor-Leste; no (2) Uza dadus rejistu sivíl nian atu dezvoltave relatóriu estatística vitál sira ne'ebé bele uza hodi informa polítika no hadi'a saúde no moris-di'ak populasaun nian hanesan prevee ona iha proposta-lei ba Rezolusaun Governu nian kona-bá RSEV.*

Matadalan ne'e fornese kontestu ida kona-bá buat ne'ebé alkansa ona to'o oras ne'e, hodi fornese esplikasaun badak ida ba ema sira ne'ebé foin mak hola parte iha espasu ne'e. Tuir mai sei kobre área sentráal haat ne'ebé foku atu hadi'a, no apresenta matadalan ida ba pasu sira ne'ebé sujeridu ona atu kontinua reforsa sistema ne'e. Pasu ida-idak iha matadalan ne'e sei apresenta ho detalhe, ho atividade prinsipál sira ne'ebé estabelese ona no esplikasaun ida konabá orden ne'ebé pasu sira tenke tuir. Dokumentu ida-ne 'e nia rohan fó observasaun jerál ida

⁹ Relatóriu kona-bá Natalidade no Mortalidade iha Timor-Leste

<https://getinthepicture.org/sites/default/files/resources/Timor-Leste%20Births%20and%20Deaths%20Statistics%20Report%202014-2015.pdf>

¹⁰ <https://dhsprogram.com/pubs/pdf/FR329/FR329.pdf>

¹¹ Timor-Leste nia revizaun interkalár ba deklarasaun Ministeriál husi ESCAP ONU Get in The Picture

https://getinthepicture.org/sites/default/files/resources/Timor-Leste_Final.xlsx


¹² https://www.unescap.org/sites/default/d8files/event-documents/ESCAP_MCCRVS_2021_8_Add.1_ministerial_declaration_English.pdf

kona-bá entidade sira ne'ebé sujere ona atu lidera atividade ida-idak no kalendáriu ne'ebé propostu ona ba pasu ida-idak nia konkluzáun.

Ami ba to'o iha ne'ebé ona – susesu RSEV nian to'o ohin loron

Diagrama tuir mai ne'e hatudu aktividade prinsipál balun ne'ebé hala'o hodi reforsa TimorLeste nia sistema RSEV.

Figura 1: Susesu ne'ebé alkansa ona hodi reforsa Timor-Leste nia sistema RSEV



Hanesan hatudu iha leten, Timor-Leste kompleta ona Avaliasaun Komprensivu OMS nian iha tinan-2012¹³. Maske nune'e, rezultadu avaliasaun sira la publika no la disponivel ba públiku. Biar nune'e, nu'udar rezultadu husi avaliasaun ne'e, OMS rekomenda atu Timor-Leste halo revizaun ba instrumentu rejistu nian hodi kumpre diretrís ONU nian, tranzisaun ba sistema sira ho baze informátika, no kria sistema RSEV eletróniku nasional úniku. OMS mós rekomenda katak Diresaun Jerál Estatística (DJE) tenke envolve iha RSEV atu bele kria no habelar Estatística Vitál hodi uza iha planeamentu polítiku no alokasaun di'ak ba rekursu sira no katak DJE disemina bebeik Estatística Vitál sira tuir tempu ne'ebé akontese no otas.¹⁴

Iha tinan-2014, Timor-Leste estabelese ona mekanizmu koordinasaun nasional ida. Iha esbosu rezolusaun ne'ebé dezenvolve ona, ida ne'ebé hatudu responsabilidade membru mekanizmu koordinasaun nian, maibé nunca hetan aprovasaun hosi Governu, no mekanizmu ne'e sai la

¹³ https://getinthepicture.org/sites/default/files/resources/WHO%20comprehensive%20assessment%20tool_0.pdf

¹⁴ Relatóriu kona-bá Natalidade no Mortalidade iha Timor-Leste <https://getinthepicture.org/sites/default/files/resources/Timor-Leste%20Births%20and%20Deaths%20Statistics%20Report%202014-2015.pdf>

operasionál.¹⁵ Iha tinan-2014, dezenvolve ona esbosu Estratêjia Nasionál ba RSEV bazeia ba rezultadu husi avaliasaun kompleta. Maske nune'e, estratêjia ne'e la finaliza no tanba ne'e nunka haruka atu hetan aprovasaun husi nível aas.¹⁶ Iha fulan-Novembru tinan-2014, TimorLeste, hamutuk ho nasaun sira seluk iha rejiaun ne'e, kompromete-an ho dékada ida ba RSEV tuir Deklarasaun Ministeriál ESCAP ONU nian atu “ Tau ema hotu iha figura ” ho objetivu sira atu: Objektivu 1: Rejistu sivil universál ba moris, mate no eventu vitál sira seluk; Objektivu 2: Ema hotu-hotu sei hetan dokumentasaun legál kona-bá registu sivil, mate no eventu vitál sira seluk tan, tuir nesesidade ne'ebé hamosu, hodi halo reklamasan ba identidade, estatutu sivil no direitu rezultante sira; Objektivu 3: Produsaun no halekar ba estatística ne'ebé loloos, kompletu no oportunu (inklui kauza mate nian) ne'ebé bazeia ba registu sira.¹⁷

Iha tinan-2017, publika ona [relatóriu estatística vitál](#) ida ne'ebé kobre tinan 2014-2015 ho apoiu hosi UNFPA. Relatóriu ne'e hanesan fonte informasaun ne'ebé di'ak tebes kona-bá operasaun sistema RSEV Timor-Leste nian, no pasu sira ne'ebé uluk foti hodi reforsa sistema ne'e. Biar nune'e, kona-bá relatóriu estatística, relatóriu ne'e prezisa atu depende ba dadus husi rekolla ba dadus uma-kain sira nian ne'ebé hala'o dala-rua kada tinan, tanba dadus registu sivil la suficiente atu kalkula estatística vitál.¹⁸

Ho apoiu husi UNICEF, lansa ona [Planu Asaun Nasionál ba Labarik sira](#) iha tinan-2017, ne'ebé inklui apelu ida hodi garante katak labarik hotu-hotu hetan sertidaun moris nian ne'ebé gratuita. Planu Asaun Nasionál ba Labarik sira mós rekomenda atu aumenta kampaña sensibilizasaun no registu móvel, no mós atu kompleta estratêjia nasional RSEV nian.¹⁹ Iha tinan tuir mai (2018), halao tiha ona [Avaliasaun Baze ba Rejistu Moris](#) ne'ebe identifika obstákulu no lakuna balun iha sistema, no mós hare'e klean liu tan ba ezaustividade registu moris iha rejiaun ida-idak. Avaliasaun ne'e inklui rekomendasaun xave balu atu hatan ba lakuna sira ne'ebé hetan iha sistema.²⁰

Iha tinan-2019, Timor-Leste submete [revizaun interkalár ida ba ESCAP](#), no hato'o relatóriu konabá progresu no situasaun atu hadi'a RSEV iha nasaun ne'e hanesan parte ida husi Deklarasaun

¹⁵ Relatóriu kona-bá Natalidade no Mortalidade iha Timor-Leste
<https://getinthepicture.org/sites/default/files/resources/Timor-Leste%20Births%20and%20Deaths%20Statistics%20Report%202014-2015.pdf>

¹⁶ <https://www.unicef.org/timorleste/media/2616/file/Baseline%20BR%20final%20for%20print%2029April2019%20with%20cover%20page.pdf>

¹⁷ https://getinthepicture.org/sites/default/files/resources/Ministerial.Declaration.English.final_0_0.pdf

¹⁸ Relatóriu kona-bá Natalidade no Mortalidade iha Timor-Leste
<https://getinthepicture.org/sites/default/files/resources/Timor-Leste%20Births%20and%20Deaths%20Statistics%20Report%202014-2015.pdf>

¹⁹ [https://www.unicef.org/timorleste/media/2666/file/01062017_NAPC_20162020_Final_Version_English\(1\).pdf.pdf](https://www.unicef.org/timorleste/media/2666/file/01062017_NAPC_20162020_Final_Version_English(1).pdf.pdf)

²⁰ <https://www.unicef.org/timorleste/media/2616/file/Baseline%20BR%20final%20for%20print%2029April2019%20with%20cover%20page.pdf>

Ministeriál 2014 nian atu “ Tau ema hotu iha figura.” Iha revizaun ida ne'e mak hatudu katak rejistu ba ema mate 23% mak kompletu. Informasaun barak liu husi informasaun ne'ebe fó sai iha leten mós tama hotu iha relatóriu revizaun interkalár.²¹

Iha tinan-2021, Kódigu Rejistu Sivíl h submete ona ba Parlamentu Nasionál. Kódigu Rejistu Sivíl mak lei dahuluk ne'ebé dedikadu ba sistema rejistu sivíl, ne'ebé define obrigasaun atu rejista eventu vitál sira. To'o iha fulan-Novembru tinan-2022, projetu Rezolusaun Governu nian konabá RSEV hetan ona revizaun no aprovasaun husi membru koordenasaun sira husi RSEV no hetan revizaun husi departamentu lejizlativu Ministériu Justisa nian ho objetivu atu hetan aprovasaun husi Konsellu Ministrus no ratifikasaun iha tinan-2023. Rezolusaun Governu ne'e define kona-bá nesesidade atu estabelese komisaun direasaun nasional ida iha nível aas no mós iha nível tékniku. Projetu Rezolusaun Governu ne'e fornese detalhe sira hanesan membru komisaun sira, sira nia knaar no responsabilidade, no responsabilidade liñas ministeriais sira nian.

Ami atu ba ne'ebé – ami nia objetivu sira

Hanesan temi ona iha esbosu Rezolusaun Governu kona-bá RSEV, objetivu globál ba sistema RSEV mak atu:

²¹ Timor-Leste nia revizaun interkalár ba deklarasaun Ministeriál husi ESCAP ONU Get in The Picture (Tama iha Fotografia) https://getinthepicture.org/sites/default/files/resources/Timor-Leste_Final.xlsx

1. Hala'ó rejistu ba eventu vitál hotu-hotu husi ema hotu-hotu ne'ebé hela iha nasaun ne'e no husi sidadaun Timoroan sira ne'ebé hela iha rai-li'ur, no fornese dokumentasaun legál kona-bá eventu vitál sira ba sidadaun Timoroan hotu-hotu no ba ema estranjeiru hotu-hotu ne'ebé hela iha Timor-Leste; no
2. Uza dados rejistu sivíl hodi dezenvolve relatóriu sira kona-bá estatística vitál ne'ebé bele uza atu informa kona-bá política no atu hadi'a saúde no moris di'ak populasau nian.

Hodi bele atinji objetivu hirak ne'e, iha área xave haat ne'ebé presiza reforsa. Hirak ne'e inklui:

- I. Dezenvolve kadru legál sira ne'ebé forte tuir padraun internasionál
- II. Reforsa operasaun rejistu sivíl
- III. Aumenta tan koordinasaun entre entidade RSEV sira
- IV. Hadi'a hahalok fahe dados, análise no halekar no utilizasaun ba estatística vitál sira.

Deskrisaun kona-bá área ida-idak husi área haat ne'e, ne'ebé inklui pasu xave sira hosi matadalan ne'ebé sei presiza hodi atinji sistema RSEV ne'ebé forte no konfiável. Pasu individual sira alista hafoin matadalan, ho detallu liu no sujestaun kona-bá atividade apoiu no konsiderasaun sira.

Figura 2: Objetivu sira husi sistema RSEV Timor-Leste nian no pilár haat ne'ebé atu atinji

Objetivu sira husi sistema RSEV



Alkansa rejistu ba eventu vitál hotu-hotu husi ema hotu-hotu ne'ebé hela iha nasaun ne'e no husi sidadaun Timoroan sira ne'ebé hela iha rai-li'ur, no fornese dokumentasaun legál kona-bá eventu vitál sira ba sidadaun Timoroan hotu-hotu no ba ema estranjeiru hotu-hotu ne'ebé hela iha Timor-Leste; no



Uza dadus rejistu sivil hodi dezenvolve relatóriu sira kona-bá estatística vitál ne'ebé bele uza atu informa kona-bá polítika no atu hadi'a saúde no moris di'ak populausaun nian.

Atinji liuhusi



I. Dezenvolve kuadru legál forte ne'ebé tuir padraun internasionál sira



II. Reforsa operasaun rejistu sivil



III. Aumenta tan koordinasaun entre entidade RSEV sira



IV. Hadi'a hahalok fahe dadus, análise no halekar no utilizaun ba estatística vitál sira.

I. Dezenvolve kuadru legál ne'ebé forte tuir padraun internasionál

Kuadru legal ida ne'ebé forte mak baze ba sistema RSEV ne'ebé funsiona ho di'ak.

Dezenvolvimentu ba kuadru legál ida ne'ebé forte ne'e rasik importante ona, maibé ida ne'e fornese mós kuadru legál nesesáriu atu pilár tolu seluk bele funsiona iha nia leet. Se karik laiha lejislasaun ne'ebé presiza rejistu pontual ba eventu vitál hotu-hotu, rejistu sei nafatin seidauk kompletu. Liután, se lejislasaun ka regulamentu sira la espesifika sé mak responsável atu halo rejistu ba eventu vitál sira, ka oinsá entidade sira ne'e tenke servisu hamutuk no fahe informasaun sira hanesan informasaun moris no mate nian hosi facilidade saúde sira, RSEV nia sistema sei la funsiona ho eficiente no labele kumpre loloos ninian papél espesífiku atu serví públiku.

II. Reforsa operasaun rejistu sivil

Wainhira laiha asesu adekuadu ba servisu sira, sidadaun sira sei labele rejistu sira-nia eventú vitál sira. Karik eskritóriu rejistu sira-ne'e halibur iha área urbana, no rejistu móvel la tun ba comunidade beibeik, rejistu sei nafatin la kompletu. Rejistu mós sei nafatin la kompletu se iha kustu atu rejistu ka ba rejistu tarde, ka se kustu oportunidade nian ba saláriu ne'ebé lakon, viajen, no kuidadu ba labarik sira ne'e boot liu. Komprende funcionalidade sistema RSEV ne'ebé daudaun ne'e hala'o, sidadaun sira-nia asesu ba servisu sira, no área sira seluk ne'ebé rekursu sira hanesan impressora, surat-tahan, tinta, etc. karik falta, ne'e importante tebes atu hadi'a rejistu. Reforsa operasaun rejistu sivil bele hetan benefísiu husi desenvolvimentu hanesan agora daudaun no desenvolvimentu ba mapa prosesu tuir hakarak no ne'ebé ajuda atu haree sistema atual. Bainhira identifika tiha ona obstákulu sira no konkorda tiha ona prioridade sira atu hadi'a, bele implementa intervensaun sira tuir planu estratéjiku atu reforsa aspetu operasionál sira husi sistema RSEV.

III. Aumenta tan koordenasau entre entidade Governu sira no parte interesada sira seluk

RSEV iha natureza multi-setoriál, ho parte interesada prinsipál sira hahú husi Autoridade Rejistu Sivil iha MJ, Ministériu Saúde, DJE, to'o Ministériu Administrasaun Estatál. Hodi hadi'a RSEV presiza aprosimasaun iha nível-sistema inklui reforsa lejislasaun no regulamentu sira, halo tuir no implementa padraun operasionál klaru ne'ebé iha, fornese ba públiku servisu sira ne'ebé gratuitu ka folin la boot no asesível, iha interligasaun entre ajénsia Governu sira inklui fahe dadus iha tempu ne'ebé determina ona, no ikus liu analiza no diseminasaun dadus ba uzu polítiku no atu fó informasaun kona-bá intervensaun saúde publika. Nune'e, importante ba parte interesada sira atu kolabora no iha kuadru ida ba koordenasau. Reforsu ba koordenasau bele hahú ho klarifikasaun ba responsabilidade husi parte sira ne'ebé envolve liu husi ratifika dekretu Governu nian, no desenvolvimentu ba MOU no akordu sira seluk ne'ebé karik la esplika espesífiku iha dekretu.

IV. Hadi'a hahalok fahe dadus, análize, no halekar no utilizaun ba estatística vitál sira

Atu alkansa objetivu daruak husi utilizaun dadus rejistu sivil hodi kria estatística vitál sira ne'ebé bele uza atu informa política no hadi'a populaun nia saúde no moris-di'ak, importante tebes atu fahe dadus sira-ne'e ho entidade apropiadu sira. Liután ne'e, presiza hatene klaru sé mak iha knaar atu analiza dadus no publika estatística vitál sira, no katak sira ne'ebé hala'o knaar ne'e hetan apoiu no iha meius no kapasidade nesesáriu atu halo ida-ne'e. Harii kapasidade estatística ne'e prosesu ida-ne'ebé la'o tuir pasu-ba-pasu no presiza harii ho neneik husi esperiénsia ne'ebé aprende ona iha tempu uluk no habelar ba esperiénsia foun sira. Maske nune'e, enkuantu atu reforsa sistema rejistu sivil to'o iha momentu ne'ebé besik atu halo rejistu kompletu bele lori tempu naruk, dadus ne'ebé hetan husi sistema ne'e bele uza no publika

kedas. Purezemplu, estimativa kona-bá rejistu nia totalidade ne'e hanesan métrika importante hodi monitoriza hadi'a ba sistema no bele uza iha naran momentu ida hodi fó-hatene ba polítika-na'in sira kona-bá kondisaun sistema nian no nesesidade atu halo intervensaun sira. Husi ne'ebá, bele halo publikasaun kona-bá número brutu moris no mate nian tuir seksu no área nu'udar pasu dahuluk husi produsaun estatística vitál sira ne'ebé uza dadus rejistu sivíl no bele habelar hodi inklui indikadór estatístiku sira hanesan taxa fertilidade totál (TFR), ka taxa mortalidade infantíl (IMR), ho tempu.

Oinsá ita bele to'o iha ne'ebá – alkansa ami nia objetivu sira liuhusi matadalan

Atu bele halo progresu iha área xave haat ne'ebé deskreve ona iha leten, presiza atinji realizasaun spesífiku iha kada área. Matadalan ne'ebé hatudu iha Figura 3 iha kraik esplika pasu xave nain 18 ne'ebé presiza hodi hadi'a RSEV iha Timor-Leste. Atribui ona numerizasaun ba asaun sira ba pasu sira ne'ebé sujere ona, maske dala barak bele akontese iha tempu hanesan. Maske nune'e, iha ne'ebé iha rama sira, ne'ebé hatudu katak pasu ida fó-hatene ba ida seluk, sujere katak asaun hotu-hotu sei kompleta molok kontinua ba pasu tuirmai.

Tabela 1 iha matadalan nia kraik hatudu asaun xave iha kada pasu iha matadalan, no pasu nia objetivu. Seksaun tuirmai, Matadalan ho kle'an, hato'o informasaun detalladu liu kona-bá pasu ida-idak iha matadalan, konsiderasaun spesífiku ka rekizitu, no esplikasaun kona-bá orden pasu sira nian.

Aneksu 1 sei elabora liután kona-bá oinsá pasu nain 18 iha matadalan apoiu realizasaun ba objetivu sira iha iha área xave haat ne'ebé deskreve ona iha leten hamutuk ho ministériu Governu nian ne'ebé hetan sujestaun atu lidera kada pasu.




Figura 3: Matadalan nível-aas hodi hadi'a RSEV Timor-Leste

Tabela 1 iha kraik hatudu asaun xave sira kada pasu iha matadalan, no pasu nia objetivu.

Tabela 1: Asaun no objetivu husi pasu sira iha matadalan

Pasu	Asaun	Objetivu
1	Ratifika Rezolusaun Governu nian nu'udar baze legál ba mekanizmu koordenaun ne'ebé fornese momoos papél no responsabilidade husi parte membru sira no sira-nia responsabilidade kona-bá kooperasaun no fahe dadus.	Kodifika komisaun orientasaun sira no responsabilidade ministériu ida-idak nian iha kuadru ida-ne'ebé legalmente rekoñesidu. Ida ne'e mós sei apoia asaun koordenada hodi halao pasu tuir mai.
2	Hamutuk ho parte interesada xave hotu ne'ebé envolve, hala'o ezersísiu mapeamentu ba prosesu no mapeamentu ba dadus no dezenvolve prosesu “ne'ebé hakarak” hodi dezeña sistema atu sai oinsá iha futuru.	Deskreve lakuna boot ka obstákulu sira iha sistema no iha ne'ebé mak papél no responsabilidade sira karik la dun klaru. Ezersisiu ne'e mós apoia kolaborasaun no aumenta dinámika atu dezenvolve planu estratéjiku ida.
3	Halo revizaun legál ba lejislasaun no regulamentu sira ne'ebé eziste.	Komprende sá lei no regulamentu ne'ebé eziste mak la tuir padraun internasionál sira, ka iha ne'ebé mak iha lakuna balun ka laiha lejislasaun. Revizaun legál ne'e mós tenke inklui rekomendasaun kona-bá oinsá atu reforsa kuadru legál inklui iha ne'ebé mak di'ak liu uza MOU sira.
4	Hamutuk ho parte interesada xave hotuhotu ne'ebé marka prezensa, halo avaliasaun lais ba sistema RSEV	Halo akordu no komprende kondisaun sistema RSEV nian, no mós harii dinámika entre parte interesada sira atu dezenvolve planu estratéjiku ida
5.	Halo avaliasaun ba área seluk ne'ebé prezisa hodi halo avaliasaun hanesan área sira ne'ebé karik la klaru iha avaliasaun globál uluk nian, ka área sira seluk ne'ebé hetan wainhira hala'o mapeamentu ba prosesu, revizaun legál no avaliasaun lais. Iha mós sujestaun atu halo avaliasaun ba kobertura operasionál hodi komprende di'ak liu tan populasaun nia asesu ba servisu sira	Identifika lakuna boot sira, rekomendasaun kona-bá hadi'a, no área prioridade xave sira ne'ebé tenke sai hanesan foku husi planu estratéjiku
6.	Atualizasaun ba kuadru legál hodi tuir padraun internasionál sira inklui regulamentu sira kona-bá koordenaun no fahe dadus, no rekomendasaun sira ne'ebé MOU sira bele suficiente hodi substitui regulamentu sira.	Apoia parte interesada hotu-hotu atu foti asaun iha âmbito kuadru legál ida-ne'ebé forte, no mós koordenaun entre parte-interesada sira atu hala'o pasu sira iha matadalan
Pasu	Asaun	Objetivu

7.	Nafatin harii pesoál sira nia kapasidade	Fó apoiu ba pesoál foun no mós hirak ne'ebé iha ona hodi ajuda sira atu komprende sira-nia papél no responsabilidade, oinsá sira bele hala'o sira-nia knaar ho di'ak liu, no oinsá bele presiza sira atu koordena ho parte interesada sira seluk.
8.	Halo avaliasaun ba dados nia kualidade	Komprende dados ne'ebé mak halibur, avalia dados ne'e nia kualidade, no fó rekomendasaun kona-bá halibur dados ne'ebé seidak halibur ka ho kualidade ne'ebé ladún di'ak ka labele uza
9.	Halo ezersísiu priorizasaun	Hamutuk ho parte interesada xave hotu-hotu ne'ebé envolve iha laran, halo revizaun ba rezultadu no rekomendasaun sira husi mapeamentu ba prosesu, revizaun legál, avaliasaun lais, ezersísiu ba kualidade dados nian, no avaliasaun sira seluk atu determina área hirak ne'ebé mak sai hanesan prioridade ba intervensaun iha planu estratéjiku
10.	Tinan-tinan publika relatóriu kona-bá eventu vitál sira ne'ebé dezagregadu tuir karakterístika sira hanesan seksu, otas, hela fatin baibain, etc.	Harii kapasidade pesoál estatística sira ho intensaun atu halo relatóriu estatístiku vitál ida-ne'ebé kompletu bazeia ba dados rejistu sivil iha futuru. Publikasaun anuál mós tenke inklui estimativa kona-bá ezaustividade rejistu nian kona-bá eventu vitál sira hanesan moris no mate. Asegura katak relatóriu hirak-ne'e to'o iha nível administrativu kraik Governu nian atu nune'e bele hamosu nesiedade atu buka dados
11.	Halo rezumu ho pájina ida de'it ne'ebé esplika kona-bá rezultadu husi rejistu kompletu ka kualitér tendénsia iha moris, mate, kazamentu, divórsiu, adosaun, no lejitimasaun	Uza rezumu hirak-ne'e atu defende nesiedade atu iha rekursu sira hodi reforsa sistema RSEV, no atu hamosu iha politika-na'in sira nesiedade atu buka dados rejistu sivil
12.	Dezenvolve planu estratéjiku orsamentadu ida kona-bá hadi'a RSEV	Fornese planu koordenadu ida atu hadi'a sistema RSEV atu alkansa objetivu sira kona-bá rejistu kompletu inklui dokumentasaun, no rejistu sivil ba produsaun estatística vitál iha médiu prazu
13.	Prodús relatóriu estatística vitál badak ida ba nível-kraik jeografia nian	Harii kapasidade estatística, apoia hodi uza dados ba uzu política, no hamosu nesiedade ba dados bainhira fahe ba parte interesada oioin.
14.	Aprovasaun husi nível-aas Governu nian ba planu estratéjiku atu hadi'a, no aloka orsamentu ida	Garante katak planu ne'e sustentável no iha apoiu luan atu nune'e hadi'a sistema RSEV bele hetan susesu
15.	Implementa planu estratéjiku atu hadi'a RSEV	Implementa intervensaun sira tuir akordu ne'ebé halo tiha ona ho kolaborasaun entre parte interesada xave sira, atu hadi'a sistema RSEV

15

Pasu	Asaun	Objetivu
------	-------	----------

14

16.	Halo monitorizasaun no avaliasaun babeibeik ba implementasaun planu estratéjiku atu hadi'a no hala'o ajustamentu ba kursu tuir nesesidade	Asegura katak intervensaun sira-ne'e efektivu hodi hadi'a sistema, halo dokumentasaun kona-bá susesu sira atu mantein dinámika, no defende área sira ne'ebé presiza atensaun barak liu.
17.	Aumenta ámbitu produsaun tinan-tinan ba estatística vitál atu inklui área jeográfika barak liu ka indikadór barak liu	Harii kapasidade estatística, apoia hodi uza dadus ba uzu política, no hamosu nesesidade ba dadus bainhira fahe ba parte interesada oioin.
18.	Prodús relatóriu estatística vitál nasionál bazeia ba dadus rejistu sivil	Dezenvolve estatística vitál ne'ebé kontínuu, tuir tempu no loloos husi dadus rejistu sivil ne'ebé bele uza atu informa política no atu hadi'a populasaun nia saúde no moris-di'ak hodi nune'e bele sees husi ezersísiu rekolla dadus uma-kain nian dala-rua kada tinan ne'ebé ho kustuaas no intensivu.

Figura 4 iha kraik fornese sujestaun kona-bá ajénsia líder no liña temporál kurakuran ba atividade ida-idak. Tanba Ministériu Justisa mak nu'udar presidente ba komisaun orientasaun, karik di'ak liu atu sira mak lidera atividade barak. Nune'e, sira mak iha todan boot liu iha diagrama iha leten. Delegasaun ba ajénsia sira seluk hodi lidera parte balun husi atividade, ka atividade ne'e tomak, bele permite atu hala'o implementasaun no konkluzau ne'ebé di'ak liu ba atividade no ne'e tenke konsidera nu'udar apropriadu. Nota katak ministériu líder sira nu'udar sujestaun de'it, no bele troka ka modifika hodi fahe responsabilidade ho entidade sira seluk bazeia ba diskusaun iha komisaun orientasaun.

Atividade balun, hanesan harii kapasidade pesoál sira nian (pasu 7), atualiza kuadru legál hodi aliña ho padraun ka rekomendasaun internasionál (pasu 6), no implementa planu estratéjiku atu hadi'a (pasu 15), sei kontinua no sei lori tinan barak, hanesan hatudu ona iha figura. Dala ruma presiza ajusta atividade balun nia inísiu no konkluzau iha momentu hala'ó implementasaun ba pasu sira. Iha kraik ne'e mak sujestaun ida kona-bá kalendáriu ne'ebé tenke atualiza tuir nesesidade.


Figura 4: Sujestaun ba entidade líder no kronograma ba konkluzauun tuir pasu

Entidade líder	2023		2024		2025	2026 no tinan sira tuir mai
	Q1 - Q2	Q3 - Q4	Q1 - Q2	Q3 - Q4		

MJ

MS

DJE



Matadalan ho kle'an

Seksaun ida-ne'e fornese informasaun kle'an liután kona-bá pasu ida-idak iha matadalan, inklui esplikasaun kona-bá orden ba pasu sira, detallu liután kona-bá atividade xave sira ne'ebé presiza atu apoia pasu ida-idak, no informasaun seluk ne'ebé tenke konsidera.

1. Ratifika Rezolusaun Governu nian

Rezolusaun Governu ne'e fornese baze importante ida-ne'ebé sai referénsia hodi servisu RSEV iha nasaun bele lao ba oin. Nia fó mandatu atu dezenvolve mekanizmu koordinasaun sira ne'ebé sei nesesáriu atu hala'o servisu ne'e. Nune'e mós, nia relasiona ho área kritical ida-idak hodi reforsa kuadru legál, kooperasaun intergovernamentál, papél no responsabilidade husi parte interesada xave hotu-hotu, no utilizasaun no publikasaun ba dadus estatística vital sira. Nune'e mós, halo finalizasaun ba rezolusaun ne'e sei ajuda hari'i dinamika ne'ebé presiza atu kontinua servisu iha área RSEV.

- 1.1 Hafoin remata tiha rezolusaun ne'e, pasu tuirmai mak atu dezenvolve termu referénsia (TOR) kle'an liután ba komisaun orientasaun no komisaun téknika nasional. TOR no sorumutuk regulár sira sei sai fundamentál ba implementasaun intervensaun no ba monitorizasaun progresu iha hadi'a sistema RSEV.

2. Mapeamentu ba prosesu

Prosesu ba Mapeamentu hanesan ezersísiu kritical ida atu halo parte interesadu sira konkordansia kona-bá: (i) iha ne'ebé iha sistema laran mak iha lakuna operasionál no fluksu dadus, (ii) área sira ne'ebé parte interesadu sira la konkorda kona-bá oinsá sistema ne'e funsiona, no (iii) área sira ne'ebé prosesu sira nu'udar deskoñesidu hela. Prosesu mapeamentu bele divide ba 2a) mapeamentu ba prosesu sistema nian no 2b) mapeamentu ba prosesu fluksu dadus. Hodi fasilita kompreensaun, tau hamutuk ona iha matadalan iha leten.

Sujere atu hala'o mapeamentu ba prosesu molok revizaun legál tanba rezultadu husi ezersísiu mapeamentu ba prosesu bele informa tópiu sira investigasaun nian ne'ebé sei analiza iha revizaun legál. Mapeamentu ba prosesu dadus mak sai pontu partida hodi halo avaliasaun detalladu liu ba kualidade dadus nian. Mapeamentu ba prosesu sistema operasaun nian sei halo klaru área sira ne'ebé presiza avaliasaun kle'an liután molok atu fó prioridade ba intervensaun sira ba planu estratéjiku atu hadi'a RSEV.

2.1 Prosesu ba sistema mapamentu.

- 2.1.1 Hamutuk ho parte-interesada hotu-hotu ne'ebé envolve iha laran, hala'o ezersísiu mapeamentu ba prosesu ba moris, mate, kazamentu, divórsiu, adosaun, no

lejitimasaun. Nota katak, bele iha ezersísiu mapeamentu diferentes ba prosesu oioin ba eventu vitál ida-idak. Purezemplu, moris iha uma, moris iha facilidade saúde boot, moris iha facilidade saúde ki'ik ka parteira ida mak atende, moris iha comunidade (purezemplu, iha dalan ba ospitál), etc. Hanoin kona-bá senáriu hotu-hotu ne'ebé posivel no dezenvolve mapa ba kazu ida-idak.

- 2.1.2 Husi ezersísiu hirak ne'e, determina iha ne'ebé mak prosesu la klaru ka la iha prosesu, lakuna iha fluksu dadus nian, ka siloes ne'ebé mak presiza kolaborasaun entre ajénsia.
- 2.1.3 Hamutuk ho parte interesada hotu-hotu ne'ebé envolve iha laran, hala'o ezersísiu sira kona-bá mapeamentu ba prosesu atu hatene oinsá parte interesada sira hakarak sistema ne'e atu buka rejistu moris, mate, kazamentu, divórsiu, adosaun, no lejitimasaun iha sira-nia senáriu ida-idak (uma, facilidade saúde, etc.). Ida ne'e esencialmente nu'udar matadalan ida ba saida mak nasaun ne'e iha esperansa atu alkansa.
- 2.1.4 Determina pesa sira ne'ebé mak importante liu husi mapa prosesu atuál ne'ebé presiza reforsa ka altera atu alkansa mapa prosesu ne'ebé hakarak iha futuru. Pesa hirak-ne'ebé mak sei fó impaktu boot liu? Hirak-ne'ebé mak facil liu atu troka ka hadi'a? Aspetu hirakne'e sei importante atu reforsa kuadru legál no ezersísiu priorizasaun ne'ebé esplika iha kraik.
- 2.1.5 Sujere atu halo mapeamentu ba prosesu molok halo revizaun ba lejizlasaun, dezenvolvimentu ba regulamentu sira, prosedimentu operasionál padraun sira (SOP) ka memorandum entendimentu sira (MOU) atu nune'e bele iha kompriensaun di'ak liután kona-bá lakuna sira iha sistema, no sá regulamentu, sá prosedimentu operasionál padraun (SOP) ka sá MOU sira entre ajénsia sira mak presiza atu esplika papél no responsabilidade ajénsia ida-idak nian no hadi'a ka reforsa sistema.
- 2.1.6 Mapeamentu ba prosesu nu'udar prekursor kriticalu ida ba ezersísiu priorizasaun, hamutuk ho rezultadu sira husi avaliasaun globál no husi avaliasaun sira seluk.

2.2 Mapeamentu ba prosesu fluksu dadus

- 2.2.1 Hamutuk halo ezersísiu mapeamentu ba prosesu dadus ida-ne'ebé hanesan ho ezersísiu mapeamentu ba prosesu ne'ebé temi ona iha leten, ka inklui mapeamentu ba prosesu dadus iha ezersísiu globál mapeamentu

ba prosesu moris, mate, kazamentu, divórsiu, adosaun, no lejitimsaun nian.

- 2.2.2 Determina oinsá mak halibur dadus sira, dadus ne'ebé mak halibur, no oinsá dadus sira sirkula husi prosesu ida ba prosesu seluk.
- 2.2.3 Determina dadus ne'ebé mak la halibur no/ka la fahe entre entidade sira, no razaun ba ida-ne'e. Iha ka lae kompriensaun kona-bá dadus ne'ebé mak presiza atu informa polítika? Falta kompriensaun ka falta regulamentasaun entre entidade sira? Falta kapasidade tékniku atu hasai no fahe dadus ba entidade sira? Formulariu halibur dadus

la dezeña ho maneira hodi fásil atu fahe? (purezemplu, testu iha kampu nakloke bele susar atu kódifika ba análize, bele falta menu ba kategoria krítika sira hanesan inan nia tinan, etnia, etc.)

- 2.2.4 Hamutuk ho parte interesada hotu-hotu ne'ebé envolve iha laran, hala'o ezersísiu sira kona-bá mapeamentu ba prosesu atu hatene oinsá parte interesada sira hakarak fluksu dadus nian atu buka rejistu moris, mate, kazamentu, divórsiu, adosaun, no lejitimsaun sira. Ida ne'e esensialmente nu'udar matadalan ida ba saida mak nasaun ne'e iha esperansa atu alkansa.
- 2.2.5 Iha kazu sira ne'ebé laiha kompriensaun, ka presiza kuadru regulador ne'ebé forte liu, determina se MOU ida entre entidade sira suficiente ka lae, ka karik presiza regulamentu formalizadu liu.
- 2.2.6 Iha kazu sira ne'ebé la halibur dadus, determina se prosedimentu operasionál padraun ne'ebé esplika kona-bá halibur dadus suficiente hela, ka karik presiza regulamentu formalizadu liu.
- 2.2.7 Mapeamentu ba prosesu fluksu dadus tenke apoia dezenvolvimentu ba regulamentu, SOP no MOU sira ne'ebé klaru no ne'ebé deskreve dadus hirak ne'ebé mak tenke halibur, oinsá, no bainhira; no sá dadus mak tenke fahe ho sé, ho sá maneira, no ho sá frekuénsia. Ho ida-ne'e, sujere atu mapeamentu ba prosesu dadus akontese molok halo revizaun legál no hadi'a kuadru legál no regulador.
- 2.2.8 Determina pesa sira ne'ebé mak importante liu husi mapa prosesu atuál ne'ebé presiza reforsa ka altera atu alkansa mapa prosesu ne'ebé hakarak iha futuru. Pesa hirak-ne'ebé mak sei fó impaktu boot liu? Hirak-ne'ebé mak fasil liu atu troka ka hadi'a? Aspetu hirakne'e sei importante ba reforsu kuadru legál no ba ezersísiu priorizasaun ne'ebé esplika iha kraik.
- 2.2.9 Mapeamentu ba prosesu dadus nu'udar prekursor importante tebes ba ezersísiu qualidade dadus.

3. Revizaun legál

Objetivu husi revizaun legál mak atu analiza lejislasaun ne'ebé eziste iha área RSEV nian no determina: (i) se lejislasaun ne'e aliña ho padraun no rekomendasaun internasionál sira, (ii) saida mak seidauk iha, no (iii) kuadru lejislasaun ne'ebé eziste mak ladún klaru. Revizaun legál ne'e tenke ezamina lejislasaun nível aas (lei sira) no regulamentu nível médiu. Idealmente, ezamina mós SOP sira no kualkér MOU sira ne'ebé eziste no fó rekomendasaun kona-bá oinsá atu iha kuadru legál ne'ebé di'ak ba RSEV no ba Timor-Leste. Sujere atu hala'ó revizaun legál hafoin halo ezersísiu mapeamentu ba prosesu, atu nune'e naran lakuna ida ka inserteza ida ne'ebé identifika ona husi ezersísiu mapeamentu ba prosesu ne'ebé bele presiza revizaun ka regulamentu foun sira bele hetan konsiderasaun durante hala'ó revizaun legál.

- 3.1 Halo revizaun ba kuadru legál ne'ebé eziste ba moris, mate, kazamentu, divórsiu, adosaun, no lejitimasaun sira ho apoiu husi peritu ida.
- 3.2 Hanesan parte husi revizaun ne'e, ezamina mós regulamentu sira ne'ebé kobre kooperasaun no hahalok fahe dados entre ajénsia Governu sira relasiona ho RSEV. [Dadus ba Rejistu Sivil ba Saúde no Ferramenta ba Revizaun Legál no Regulamentár ba Estatistika Vitál sira no Metodolojia](#) nu'udar instrumentu di'ak ida ba ezersísiu ida ne'e.
- 3.3 Determina área lei nian ne'ebé mak:
 - a. Falta ka laiha
 - b. La klaru, ka
 - c. La tuir padraun internasionál sira
- 3.4 Sujere katak peritu sira ne'ebé fó apoiu ba revizaun legál atu fó mós rekomendasaun sira atu atualiza ka halo revizaun ba RSEV nia lei no regulamentu sira no fó komentáriu kona-bá tópiku sira ne'ebé suficiente atu kobre iha SOP ka MOU sira.
- 3.5 Revizaun legál, hamutuk ho rezultadu husi mapeamentu ba prosesu no avaliasaun sira seluk, sei informa kona-bá elaborasaun ba alterasaun, revizaun, ka lejislasaun no regulamentu foun ne'ebé presiza atu alinã kuadru legál RSEV Timor-Leste nian ho padraun internasionál sira, no mós asegura katak papél no responsabilidade sira klaru ba parte interesada hotu ne'ebé envolve iha laran.

4. Avaliasaun lais ba sistema RSEV

Hanesan temi tiha ona iha leten, Timor-Leste kompleta ona avaliasaun ezaustiva ida kona-bá ninia sistema RSEV. Maske nune'e, la klaru saida mak muda ona iha períodu interkalár tinan 10 dezde avaliasaun remata. Sujere katak komisaun orientasaun no komisaun tékniku foti loran sorin hodi administra [avaliasaun Lais OMS](#) nian hodi hetan imájen foun ida kona-bá sistema registu sivil no estatística vitál. Instantáneu ida-ne'e bele fó-hatene parte interesada sira se área

partikulár ruma iha sistema prezisa avaliasaun liután molok atu dezenvolve planu estratéjiku atu hadi'a.

- 4.1 Avaliasaun lais tenke hala'o nu'udar haka'as an kolaborativu ida ho parte interesada xave hotu-hotu ne'ebé marka prezensa.
 - 4.2 Área sira ne'ebé laiha konkordánsia ka iha inserteza tenke dokumentadu no hetan investigasaun liután liuhosi avaliasaun kle'an liu ka liuhosi mapeamentu ba prosesu sira.
 - 4.3 Área sira ne'ebé la aliña ho rezultadu sira husi avaliasaun ezaustivu tenke mós dokumentadu. Parte interesadu sira tenke diskute se área hirak-ne'e prezisa avaliasaun liután molok hahú ezersísiu priorizasaun.
 - 4.4 Tan mapeamentu ba prosesu ne'e hanesan atividade ne'ebé mak sujere tebes atu halo, no hala'o tiha ona avaliasaun abranjente ida, avaliasaun lais la'ós nesesariamente pasu importante ida. Maibe, dala barak ida-ne'e útil tebes atu hetan fali ímpetu no reforsa kolaborasaun entre parte interesada sira molok atu avansa ba dezenvolvimentu planu estratéjiku ida.
5. Hare'e fila-fali área avaliasaun sira ne'ebé nesesáriu, inklui oinsá atu hadi'a kobertura Pasu ida-ne'e ho objetivu atu investiga naran tópiku ida ne'ebé la klaru ka karik seidak ezamina. Purezemplu, se karik iha área sira ne'ebé koñesidu, husi avaliasaun abranjente, ne'ebé la klaru, la esplora, ka karik muda ona iha períodu interkalár tinan 10, ka avaliasaun lais ka mapeamentu ba prosesu halo mosu inserteza ka mudansa sira hanesan ne'e, rekomenda atu halo avaliasaun kle'an liután ba área hirak ne'e. Bele uza komponente oin-oin husi [avaliasaun abranjente OMS](#) nian hanesan matadalan ba avaliasaun tuir mai, hanesan mós bele uza komponente sira husi [Ferramenta Avaliasaun Rejionál ba Áfrika](#), ka instrumentu avaliasaun sira seluk ne'ebé apropiadu.

Liután ne'e, tanba taxa rejistu ki'ik, sira karik afetadu husi kobertura adekuadu servisu rejistu sivil nian. Tan ne'e, **rekomenda tebes atu halo avaliasaun kona-bá asesu no adekuasaun kobertura nian:**

- 5.1 Determina se iha kobertura adekuadu ba eskritóriu rejistu sivil nian ba populasaun TimorLeste atu hetan asesu natoon de'it ba servisu rejistu sivil. Asesu bele inklui buat sira hanesan:
 - a. Númeru pontu asesu iha kada distritu. Se seidak halo, hala'o ezersísiu mapeamentu GPS ho lokalizasaun eskritóriu rejistu nian.
 - b. Distánsia média husi eskritóriu rejistu sivil ba populasaun tomak, tuir provínsia, no tuir distritu. Bele halo mapeamentu ba populasaun ka uma-kain sira relasiona ho eskritóriu

rejistu no kódigu kór hodi haree iha ne'ebé mak populasau sira iha asesu ne'ebé restritivu.

- c. Kustu ba asesu, inklui transporte liu husi bis ka ró ka seluk tán, kustu oportunidade ba servisu loron tomak ida ne'ebé falta ka falta ba haree labarik nia presiza, kustu ba dokumentasaun ne'ebé presiza atu halo rejistu (inan tenke ba facilidade saúde atu hetan surat-tahan ka husu dokumentu husi xefe-suku? Iha konsiderasaun finanseiru ka ba tempu kona-bá ida-ne'e?), no kustu atuál rejistu nian.
- d. Hala'ó rejistu kompletu ba tipu eventu vitál oioin tuir seksu, otas, hela fatin baibain, etnia no seluk tan.

5.2 Konsidera oinsá atu hadi'a kobertura di'ak liu. Ida ne'e bele liu husi aumenta rejistu móvel ne'ebé la'o hela, ka halo planu orsamentadu ba tempu naruk atu aumenta eskritóriu rejistu nian hodi asesu bele sai di'ak liu.

5.3 Se karik kobertura iha impaktu boot ba taxa rejistu, tenke fó prioridade ba hadi'a nia. Iha ezersísiu priorizasaun tenke diskute no prioriza métodu sira ne'ebé sujeridu atu hadi'a kobertura.

Rezultadu sira husi avaliasaun hirak-ne'e bele fó informasaun kona-bá nesiedade atu reforsa lejislasaun no regulamentu sira, SOP sira, no MOU sira no nune'e, tenke halo molok halo revizaun no reforsa kuadru legál sira. Nune'e mós, mapeamentu ba prosesu, avaliasaun lais, no avaliasaun kle'an sira mak nu'udar prekursor ne'ebé nesáriu hodi kontribui ba ezersísiu priorizasaun.

5.4 Naran avaliasaun seluk ne'ebé hala'o tenke sai hanesan prosesu kolaborativu ida ho parteinteresada xave hotu ne'ebé envolve iha laran. Bele ajuda atu iha pesoál nível-aas no pesoál nível-médiu ne'ebé bele informa oinsá hala'o operasaun lor-loron.

5.5 Kualkér diskusaun ka rezultadu tenke dokumenta ho didi'ak no inklui rekomendasaun potenciál balun atu hadi'a lakuna ka inserteza sira atu nune'e bele inklui iha ezersísiu priorizasaun.

6 Reforsa kuadru legál no regulamentu sira

Reforsu ba kuadru legál ne'e karik sei sai prosesu ida-ne'ebé naruk no ho pasu múltiplu tanba prosesu atu muda lejislasaun dala barak kompleksu no presiza vontade polítika no tempu. Atualizasaun ba kuadru legál ne'e mai husi rekomendasaun sira husi revizaun legál, rezultadu sira husi ezersísiu mapeamentu ba prosesu, no rezultadu sira husi avaliasaun sira seluk. Rezultadu sira husi revizaun legál, mapeamentu ba prosesu, no naran avaliasaun ida ne'ebé halo antes ne'e sei nesáriu atu fó informasaun kona-bá alterasaun nia estensaun ka dezvoltamentu ba lejislasaun ka regulamentu foun. Liután ne'e, tenke dezenvolve mós SOP

no MOU sira iha área sira ne'ebé la apropiadu atu dezenvolve regulamentu sira (purezemplu, presiza flexibilidade barak liután atu adapta ba teknolojia ne'ebé di'ak liu ba bebeik, ka presiza dezenvolve lalais matadalan sira atu hadi'a kolaborasaun iha nível operasionál).

Tanba kuadru legál ne'ebé subjasente ba sistema rejistu sivíl ne'e importante tebes ba ninia funsionamentu, deliberadamente fó ba pasu ida ne'e ninia dalan rasik, duke inklui hanesan prioridade ida iha planu estratéjiku nasaun nian. Liután ne'e, tanba dala barak presiza tempu naruk atu halo revizaun ba kuadru legál sira, atu maksimiza efisiénsia, reforsu ba kuadru legál tenke halo hamutuk ho atividade sira seluk hanesan planu estratéjiku. Ida-ne'e la dehan katak reforsu ba kuadru legál labele inklui hanesan prioridade aas iha planu estratéjiku, se atualizasaun ba kuadru legál seidak atinje rasik molok dezenvolve planu estratéjiku. Reforsu ba kuadru legál ne'e hanesan pasu ida-ne'ebé importante liu iha reforsu ba rejistu sivíl no estatística vitál sira iha Timor-Leste, no tenke sai hanesan foku xave ida ba oin.

7 Harii pesoál nia kapasidade

Pesoál barak iha eskritóriu rejistu sivíl mak ofisiál administrativu ho nível pagamentu ne'ebé ki'ik. Iha naturalmente desgaste aas iha pozisaun sira hanesan ne'e tanba pesoál sira muda ba oportunidade seluk ka ba pozisaun seluk ne'ebé ho saláriu di'ak liu. Nune'e, baibain akontese lakon koñesimentu institusionál no presiza formasaun no kapasitasaun kontinuadu ba pesoál sira. Nune'e mós, pesoál no eskritóriu estatística nasional sira dala barak simu menus duke pesoál sira iha nível komparável iha ministériu sira seluk. Maske sira-nia servisu eziji atu nafatin harii kapasidade iha área análise ba dadus, maibé dala barak sira ba oportunidade ne'ebé di'ak liu, no pesoál sira ne'ebé tama mai serivisu presiza hetan formasaun no harii kapasidade. Nune'e, kapasitasaun tama iha lista hanesan prioridade xave ida. Bele hetan informasaun konabá formasaun ba pesoál no área sira ne'ebé presiza harii kapasidade liu husi lakuna sira ne'ebé identifika ona iha ezersísiu mapeamentu ba prosesu, ka husi avaliasaun lais, avaliasaun abranjente, ka avaliasaun seluk tan. Matadalan no SOP sira ne'ebé fasil atu asesu nu'udar pontu partida di'ak ida ba kapasitasaun ba pesoál sira.

- 7.1 Halo diagrama simples maibé detalladu ba pesoál hotu-hotu ne'ebé envolve iha prosesu RSEV. Ida-ne'e bele sai partikularmente importante ba parte interesada sira hanesan xefesuku sira ne'ebé karik sira la komprende klaru sira-nia knaar no responsabilidade, liuliu se iha rotatividade ne'ebé aas. Liután ne'e, parte interesada sira-ne'e bele iha responsabilidade barak no presiza matadalan ne'ebé klaru no fásil atu komprende, atu nune'e sira bele fó apoiu ba prosesu rejistu sivíl iha sira-nia servisu lor-loron.
- 7.2 Dezenvolve SOP sira no matadalan sira seluk atu fó apoiu ba pesoál sira iha sira-nia servisu lor-loron. Ida ne'e bele sai partikularmente importante bainhira prosesu

rejistu sivíl abranje ajénsia ka departamentu oin-oin, no presiza SOP ne'ebé klaru atu informa konabá papél, responsabilidade no interasaun sira ne'ebé hein atu hetan hanesan transferénsia surat notifikasaun moris nian, fahe dados, etc.

7.3 Konsidera dezenvolve *website* ka portál intra-governamentál ida-ne'ebé bele hetan asesu ba SOP sira hotu, matadalan, no treinamentu sira liu husi *password* ne'ebé fahe ba parte interesada relevante sira. Ho kondisaun katak la rai informasaun la sensitivu iha portál, utilizaun ba Dropbox ka Google Drive ne'ebé fahe ba malu bele ajuda iha senáriu ida ne'e.

7.4 Halo sensibilizasaun ba pesoál sira kona-bá inisiativa sira ne'ebé eziste hanesan ESCAP nia

Halo Ema Hotu Tama iha Fotografia, no Bloomberg nia *Data 4 Health Vitál Strategies* (Dados ba Estratéjia Vitál Saúde nian) no rekursu sira ne'ebé bele hetan iha website sirane'e atu reforsa RSEV.

7.5 Konsidera atu halo formasaun online ida-ne'ebé pesoál foun sira bele ba hodi hetan asesu ba informasaun kona-bá importánsia husi RSEV, saida mak rejistu sivíl no estatística vitál, oinsá públiku uza servisu hirak-ne'e, no tanbasá dados rezultadu sira importante tebes atu fó informasaun ba polítika-na'in sira no atu orienta desizaun sira kona-bá saúde publika. Kursu formasaun ne'e mós bele inklui parte interesada ida-idak nia papél no responsabilidade iha sistema ne'e no fó apoiu atu halo kontratasau foun sira iha desenvolvimentu karreira.

7.6 Konsidera kontratasau ba pesoál sira ne'ebé ninia objetivu úniku mak atu fó formasaun ba entidade oin-oin iha sistema. Oferese formasaun individuál prezensiál tinan-tinan ba parte-interesada oin-oin, karik liu husi halo viajen ba distritu sira ho baze rotativu, ka hala'ó sorumutuk sentrá boot ida iha Dili. Tanba parte-interesada sira oin-oin tebes, hahú husi xefe-suku sira to'o ofisiál saúde sira, sei presiza formasaun oioin. Maske nune'e, importante tebes ba formadór sira atu tranzmite oinsá parte-interesada ida-idak nia papél iha inter-ligasaun ho parte-interesada sira seluk nia papél no ema ida-idak nia importánsia iha sistema.

7.7 Konsidera oinsá mak bele destaka pesoál sira iha facilidade saúde sira atu hadi'a rejistu no fó apoiu ba família sira hodi rejista eventu vitál sira no karik simu sertidaun iha fatin.

7.8 Apoiu ba formasaun no desenvolvimentu estatístiku no demografiku kontínuu. Asesu ba kursu online ida iha área ida-ne'e bele ajuda kontratadu foun sira, hanesan mós ho formasaun ne'ebé fó husi ema ne'ebé ho apoiu husi entidade parseiru ONU nian.

8. Avaliasaun ba qualidade dados nian

Avaliasaun ba kualidade dados ne'e hanesan akompañamentu ba ezersísiu mapeamentu ba prosesu ba dados. Ne'e la'ós atu halo mapeamentu ba dados ne'ebé eziste ona *per se*, maibé atu determina kualidade husi dados ne'ebé eziste. Kompreesaun ba kestaun sira kona-bá kualidade dados nian bele fó informasaun kona-bá rekolla no análize dados ne'ebé forte liu, no bele prodús estatística ne'ebé konfiável liu ne'ebé fó informasaun ba polítika no hadi'a populasaun nia saúde. Rezultadu sira husi avaliasaun ba kualidade dados nian bele hatama ba iha ezersísiu priorizasaun, ka bele inkorpora iha rezumu badak ba entidade sira ne'ebé halibur dados ne'ebé inklui rezultadu no rekomendasaun sira atu hadi'a rekolla no kualidade dados nian.

- 8.1 Halo avaliasaun ida kona-bá kualidade dados nian, tantu kona-bá dados ne'ebé mak halibur iha fonte no oinsá mak halibur dados sira ne'e.
 - a. Komprende sá variáveis mak halibur liu husi formatu surat-tahan no se sira-ne'e halibur liu husi kampu testu livre kontráriu ho kategoria ka caixa verifikasaun pré-definidu, no sá parte husi formuláriu ne'ebé mak informante kompleta no sá parte mak administradór husi Governu kompleta. Importante atu komprende bainhira mak hirak-ne'e sai dijitalizadu, no sá parte husi formuláriu ne'e mak dijitalizadu.
 - b. Komprende sá variável mak introdús diretamente ba komputadór no sá kampu mak introdús hanesan testu livre ka hanesan menu.
 - c. Bainhira dijitalizadu ona, iha verifikasaun ruma ba kontrolu kualidade ne'ebé mensajen erru sira fó avizu ba valór potenciál sira sala ka la permite variável sira ne'ebé la'ós iha nível pre-definidu ruma, purezemplu otas inan nian labele boot liu 60?
- 8.2 Iha kontrole ruma ne'ebé hala'o kona-bá kualidade dados nian iha fonte? Purezemplu, totál fulan-fulan kompara ho totál ne'ebé hanesan durante tempu la'o? Halo verifikasaun ba rejistu kona-bá ezaustividade variável hotu-hotu? Halo alterasaun ba dados
- 8.3 Halo avaliasaun ba konsisténsia dados nia durante tempu la'o atu determina uzabilidade no fiabilidade ba estatística vitál.
- 8.4 Bazeia ba rezultadu husi avaliasaun ba kualidade dados nian, fó rekomendasaun sira atu hadi'a rekolla ba dados no atu hamoos dados.
- 8.5 Asegura katak naran relatóriu estatístiku importante ida ka rezumu badak sira inklui iha laran konkluzo xave kona-bá kualidade dados nian no rekomendasaun sira kona-bá hadi'a rekolla no kualidade dados nian hodi reforsa dados ba objetivu analítiku iha futuru.

9. Ezersísiu priorizasaun

Hamutuk ho parte interesada hotu-hotu ne'ebé envolve iha laran, halo ezersísiu priorizasaun. Ida ne'e kala sei hala'o hanesan sorumutuk ida entre parte interesada xave sira durante semana ida nia laran. [Kuardu Hadi'a RSEV](#) nia Estratejia Vitál sira ka Universidade Queensland nia *Planu estratéjiku atu reforsa sistema rejistu sivíl no estatística vitál sira: Matadalan ba utilizasaun rezultadu husi avaliasaun abranjente* bele sai hanesan instrumentu apoiu ida hodi orienta prosesu ne'e. Sei uza rezultadu no rekomendasaun sira husi revizaun legál, mapeamentu ba prosesu, no naran avaliasaun ida ne'ebé hala'o, atu informa diskusaun iha sorumutuk priorizasaun. Prioridade aas sira ne'ebé identifika ona iha ezersísiu ne'e sei sai hanesan área foku prinsipál bainhira dezenvolve planu estratéjiku.

Durante sorumutuk ne'e, buat ne'ebé bele ajuda mak hanoin kona-bá sá intervensaun mak sei fó impaktu boot liu, no sá intervensaun mak karik fásil atu implementa ka atu tenta, tan presiza halo de'it mudansa ki'ik no simples atu harii dinámika no fiar-án hodi hakat ba intervensaun sira ne'ebé boot liu no ne'ebé dezafiante liu.

10. Tinan-tinan publika kontajen dezagregadu kona-bá eventu vitál sira ne'ebé rejistu ona inklui estimativa kona-bá ezaustividade rejistu nian

Produsaun ba relatóriu badak sira ne'ebé inklui númeru eventu vitál sira ne'ebé rejistu ona no estimativa kona-bá ezaustividade rejistu nian mak pasu dahuluk hodi harii kapasidade ba produsaun estatística vitál, ho objetivu finál atu uza rejistu sivíl hodi prodús estimativa demográfika duke halo sensus dala-rua kada tinan.

10.1 Maske dados sira-ne'e la ho qualidade ne'ebé adekuaudu ba estatística vitál sira, maibé prodús relatóriu kona-bá númeru-brutu ba moris, mate, kazamentu, divórsiu, adosaun, no lejitimasaun sira ne'ebé rejista ona tuir provínsia ka distritu, tuir seksu, otas inan nian ka ema ne'ebé mate ona nian, etc.

a. Publikasaun ba dados barak liu ne'ebé posivel, inklui númeru eventu dezagregadu sira tuir hela-fatin baibain, seksu, otas, etnia, ka karakterístika relevante sira seluk hanesan relijiaun, kintil rikusoin nian, dezempeñu eskolár, okupasaun no seluk tan, ne'e hanesan pasu prinsipál ida ba dahuluk.

10.2 Asegura katak fahe relatóriu hirak-ne'e ba nível-ki'ik Governu nian. Dados sempre sa'e kedas ba leten, maibé ladún tun. Liu husi fornese publikasaun tuir rutina ba nível-ki'ik administrasaun nian, ida-ne'e sei hasa'e sira-nia interese no konsiénsia kona-bá nesesidade atu prodús dados ho qualidade aas. Aumentu ba utilizasaun dados signifika katak buka ba dados mós sei aumenta, ne'ebé bele uza atu defende rekursu barak liu atu reforsa produsaun ba estatística vitál sira.

- 10.3 Halo revizaun ba dados rejistu nian atu haree se bele publika ona relatóriu estatística vitál ida iha província ka área ruma ne'ebé karik iha kualidade dados ne'ebé aas liu (purezemplu, iha distritu ida iha Dili ho rejistu kompletu to'ó 80% ka liu?).
- 10.4 Utilizasaun ba estimativa ezaustividade mak hodi defende hadi'a ba sistema no sai hanesan kontribuisaun importante ba planu estratéjiku.
- 10.5 Estimativa ezaustividade tenke dezagregadu tuir possibilidade, inklui tuir hela-fatin baibain (província/distritu, etc.), seksu, otas, etnia, ka karakterístika relevante sira seluk hanesan relijiaun, kintil rikusoin nian, dezempeñu eskolár, okupasaun, no seluk tan.
- 10.6 Análize ba dados hodi haree ba ezaustividade, kualidade, no lakuna sira, hodi determina intervensaun rekolla dados ne'ebé efetivu liu mak iha ne'ebé. Iha variável balun ne'ebé la hetan rekolla ne'ebé fásil loos atu inklui? Iha fatin balun ne'ebé la rekolla dados ruma no ne'ebé presiza apoiu atu halo ida-ne'e? Ida ne'e kestaun kona-bá hahalok fahe dados ka kona-bá hamoos dados báziku atu hadi'a utilizasaun no disponibilidade dados nian?
- 10.7 Asegura katak naran relatóriu estatística vitál ida ka rezumu badak tenke inklui iha laran konkluziun xave kona-bá kualidade dados no rekomendasaun sira kona-bá hadi'a rekolla no kualidade dados nian hodi reforsa dados ba objetivu analítiku iha futuru.

11 Prodús rezumu ba polítika sira

Rezumu ba polítika ho pájina-ida ne'ebé simples no diretu nu'udar importante tebes atu hahú dinámika ba diseminasaun estatística vitál, maske dados sira-ne'e ladún forte ba indikadór estatística vitál sira, hanesan taxa mortalidade infantíl ka taxa fertilidade. Rezumu ba polítika ho pájina-ida tenke fornese estimativas kona-bá ezaustividade rejistu nian, ne'ebé dezagregadu bainhira posivel. Estimativa hirak-ne'e importante bainhira defende nesesidade ba rekursu, kapasitasaun, no sistema reforsu ba rejistu no estatística vitál sira. Polítika-na'in sira okupadu hela no laiha tempu atu lee liu husi parágrafu badak balun. Gráfiku informativu ka figura klaru no fásil atu komprende mak útil, hamutuk ho rekomendasaun xave ida ka rua.

Politika-na'in sira la presiza mak hirak ne'ebé halo lejislasaun. Rezumu badak ba xefe organizasaun sira ne'ebé bele apoia mudansa polítika iha organizasaun laran, ne'e útil atu hadi'a hahalok fahe dados, kolaborasaun, no reforsu ba sistema.

Idealmente, rezumu ba polítika tenke prodús tinan-tinan, ka bainhira kalkula ona estimativa foun kona-bá ezaustividade rejistu nian ka indikadór estatística vitál sira seluk.

12. Dezenvolve Planu Estratéjiku orsamentadu ida atu hadi'a RSEV

Ezersisiu priorizasaun no dezenvolvimentu ba rezumu ba polítika sira mak nu'udar prekursor ba dezenvolvimentu planu estratéjiku orsamentadu ida atu hadi'a RSEV. Prioridade xave sira ne'ebé identifika ona iha ezersisiu priorizasaun tenke sai hanesan foku planu estratéjiku nian, no estadu atuál ezaustividade nian hanesan haktuir ona iha rezumu ba polítika ka publikasaun estatística vitál tenke uza hanesan baze atu defende nesesidade atu iha planu estratéjiku ida atu hadi'a RSEV.

- 12.1 Bazeia ba rekomendasaun sira husi ezersisiu priorizasaun nian, no liu husi uza estimativa kompletu husi rezumu ba polítika sira nu'udar instrumentu advokasia nian, dezenvolve planu estratéjiku orsamentadu ida atu hadi'a RSEV.
- 12.2 Bazeia ba avaliasaun ne'ebé rekomena ona iha pasu 5, konsidera oinsá atu hadi'a kobertura. Ida ne'e bele aumenta rejistu móvel ne'ebé la'o hela, ka halo planu orsamentadu ida ba tempu naruk atu aumenta eskritóriu rejistu nian hodi asesu bele sai di'ak liu.
- 12.3 Dezenvolve planu servisu detalladu ida, inklui ninia kustu, atividade, responsabilidade, no prazu espesífiku atu halo manutensaun, monitorizasaun, no hadi'a sistema RSEV.
- 12.4 Harii indikadór monitorizasaun no avaliasaun sira iha planu atu bele kontinua monitoriza progresu no haree iha ne'ebé mak atinji ona objetivu sira, ka iha ne'ebé bele mosu defisiénsia ruma ka ne'ebé presiza reajustamentu.
- 12.5 Halo atu planu ne'e hetan aprovasaun husi nível-aas Governu nian, no hetan mós orsamentu ne'ebé aloka atu finansia planu ne'e.
- 12.6 Komisaun orientasaun tenke supervizona implementasaun ba planu, no grupu servisu tékniku tenke supervizona operasaun sira ka implementasaun lor-loron nian.

13. Prodús relatóriu estatística vitál ida iha eskala ki'ik

Maske dados sira la iha kualidade ne'ebé aas liu ba relatóriu estatística vitál nasional ida ne'ebé bazeia ba dados rejistu nian, halo revizaun ba dados sira-ne'e atu haree se bele publika relatóriu ida iha província ka área ruma ne'ebé karik iha kualidade dados ne'ebé aas liu (rejistu 80% ka boot liu). Bainhira reforsa tiha ona rekolla dados nian no iha mós melloramentu ba ezaustividade rejistu nian, identifika área ida-ne'ebé iha dados populasaun nian korrespondente ne'ebé disponivel ne'ebé bele uza hodi prodús relatóriu sub-nasional ida.

13.1 Halo revizaun ba dados tuir jeografia nível ki'ik atu determina se kualkér dados rejistu sivíl barak liu mak kompletu iha área ruma, hanesan distritu ida iha Dili laran.

13.2 Bainhira hetan tiha área ida, prodús relatóriu estatística vitál ida, maske dados ne'e la kompletu 100% ka ho kualidade ladún perfeitu. Adverténsia sira kona-bá kualkér kestaun kona-bá kualidade dados ka kona-bá ajustamentu sira ba ninia ezaustividade bele inklui mós iha relatóriu laran, tuir nesesidade, no dados sira-ne'e sei util tebes hodi apoia elaborasaun ba polítika no intervensaun sanitária sira.

13.3 Importante katak relatóriu ne'e mós inklui iha laran rezultadu xave ruma kona-bá lakuna iha rekolla dados nian ka kestaun kona-bá kualidade dados nian no rekomendasaun atu hadi'a.

13.4 Asegura katak halo fahe relatóriu hirak-ne'e ba nível-ki'ik Governu nian. Dados sempre sa'e kedas ba leten, maibé ladún tun. Liu husi fornese publikasaun tuir rutina ba nível-ki'ik administrasaun nian, ida-ne'e sei hasa'e sira-nia interese no konsiénsia kona-bá

nesesidade atu prodús dados ho kualidade aas. Aumentu ba utilizasaun dados signifika katak buka ba dados mós sei aumenta, ne'ebé bele uza atu defende rekursu barak liu tan atu reforsa produsaun ba estatística vitál sira.

13.5 Ezersisiu ida-ne'e sei ajuda harii kapasidade ba relatóriu sira iha futuru ne'ebé bele habelar hodi inklui área jeográfika ka indikadór barak liután tuir rekolla ba dados no ninia kualidade aumenta ho objetivu atu reforsa dados hodi prodús relatóriu estatística vitál iha nível nasional. Ida ne'e sei fó dalan ba pesoál sira husi DJE atu sees-an husi sensus dala rua kada tinan ne'ebé iha kustu aas no uza alternativamente dados ne'ebé eziste ona.

14. Hetan aprovasaun ba planu estratéjiku atu hadi'a husi nível aas Governu nian no aloka orsamentu

Atu planu viajen estratéjiku bele hetan traksaun, importante katak planu ne'e hetan aprovasaun husi nível aas Governu nian, no hetan alokasaun ba orsamentu atu finansia planu ne'e. Bainhira planu ne'e dezenvolve tiha ona no hetan ona aprovasaun husi komisaun orientasaun, presidente komisaun nian tenke apoia prosesu ne'e hodi hetan aprovasaun husi nível aas Governu nian. Karik prosesu ida-ne'e la'o iha pasu rua mak atu hetan aprovasaun ba planu ne'e, no hafoin ida ne'e mak buka finansiamentu hodi satisfaz orsamentu ne'ebé kalkula ona, maibé pasu rua ne'e importante tebes ba planu estratéjiku atu hadi'a nia susesu.

15. Implementasaun ba Planu Estratéjiku

Bainhira planu ne'e hetan ona aprovasaun husi nível aas Governu nian, komisaun orientasaun tenke superviziona implementasaun ba planu estratéjiku atu hadi'a, no grupu servisu tékniku tenke superviziona operasaun sira ka implementasaun lor-loron. Maske seidak aloka orsamentu ba planu ne'e, karik iha ona parte balun husi planu ne'ebé bele konsidera atu implementa.

Bainhira implementa tiha, planu ne'e tenke hetan revizaun periodikamente. Komisaun orientasaun tenke halo revizaun tinan-tinan ba planu ne'e nia objetivu sira hodi monitoriza hadi'a no reajusta prioridade sira tuir nesiedade. Liután ne'e, komisaun tenke dezenvolve relatóriu badak ka rezumu polítika sira ne'ebé foti liután susesu sira ne'ebé hetan hodi fahe ho nível aas Governu nian, media, meiu akadémiku no parte interesada sira seluk atu mantein ímpetu, halo uniaun entre parte interesada sira, no enkoraja hodi hadi'a nafatin sistema.

Baibain planu estratéjiku iha durasaun tinan 5-10. Nune'e, sei prezisa monitorizasaun no avaliasaun kontínua no avaliasaun sira seluk atu dezenvolve faze tuir mai husi planu estratéjiku jersaun daruak nian. Tenke konsidera katak hadi'a sistema RSEV nu'udar prosesu kontinuu no kabuar ba reforsu.

16. Halo monitorizasaun no avaliasaun kontínua ba planu estratéjiku no ba funsionamentu sistema RSEV em jerál

Bazeia ba indikadór sira ne'ebé dezenvolve ona ba monitorizasaun no avaliasaun ba planu estratéjiku atu hadi'a, kontinua halo revizaun no relatóriu kona-bá indikadór sira-ne'e hodi monitoriza progresu nia melloramentu. Komisaun orientasaun tenke halo revizaun tinan-tinan ba planu ne'e nia objetivu sira hodi monitoriza melloramentu sira no reajusta prioridade sira tuir nesiedade. Liután ne'e, komisaun tenke dezenvolve relatóriu badak ka rezumu ba polítika sira ne'ebé foti liután susesu sira ne'ebé hetan hodi fahe ho nível aas Governu nian, media,

meiu akadémiku no parte interesada sira seluk atu mantein ímpetu, halo uniaun entre parte interesada sira, no enkoraja hodi hadi'a nafatin sistema.

Monitorizasaun no avaliasaun ne'e importante tebes atu korrije kursu tuir nesiedade, no atu fó opiniaun ba planu estratéjiku tuir mai. Hanesan haktuir ona iha leten, baibain planu estratéjiku iha durasaun tinan 5-10. Nune'e, sei prezisa monitorizasaun no avaliasaun kontínua no avaliasaun sira seluk atu dezenvolve faze tuir mai husi planu estratéjiku jersaun daruak nian. Tenke konsidera katak hadi'a sistema RSEV nu'udar prosesu kontínuu no kabuar ba reforsu.

17. Aumenta produsaun estatística vitál no ámbitu análise nian

Pasu ida-ne'e hanesan de'it expansaun ida ba pasu 13, ho objetivu ikus atu dezenvolve relatóriu estatística vitál nasional ida-ne'ebé bazeia de'it ba dadus rejistu sivíl nian liuhusi harii kapasidade no kualidade dadus no ninia kompletude ne'ebé la'o neneik husi relatóriu estatística vitál dahuluk. Ho ida-ne'e, DJE bele halo tranzisaun husi hala'o sensus dala rua iha tinan ida ba hala'o kada tinan 10 bainhira dadus rejistu sivíl sira-ne'e forte loos atu prodús estatística vitál.

- 17.1 Tuir ezaustividade rejistu nian hetan melloramentu no hahalok fahe dadus mós aumenta, haluan ámbitu relatóriu estatística vitál ne'ebé eziste ho análise demográfiku kle'an liu. Uza relatóriu estatística vitál dahuluk hanesan baze ho objetivu atu reforsa dadus hodi prodús relatóriu estatística vitál iha nível nasional.
- 17.2 Asegura katak fahe relatóriu hirak-ne'e ba nível-ki'ik Governu nian. Dadus sempre sa'e kedas ba leten, maibé ladún tun. Liu husi fornese publikasaun tuir rutina ba nível-ki'ik administrasaun nian, ida-ne'e sei hasa'e sira-nia interese no konsiénsia kona-bá nesiedade atu prodús dadus ho kualidade aas. Aumentu ba utilizaun dadus signifika katak buka ba dadus mos sei aumenta, ne'ebé bele uza atu defende rekursu barak liu atu reforsa produsaun ba estatística vitál sira

18. Prodús relatóriu estatística vitál nasional ne'ebé dezenvolve husi dadus rejistu sivíl Bainhira rejistu moris no mate atinji pelumenus 80%, prodús relatóriu estatística vitál nasional bazeia ba dadus rejistu sivíl. Bele uza Prinsipiu no Rekomendasaun ONU²² nian atu fó informasaun kona-bá estatística ne'ebé rekomenda atu inklui iha relatóriu ne'e, hanesan mós bele uza

²² Principles and recommendations for a vital statistics system, Statistical Papers (Ser. M), UN, 2014-10-16, pp. 209–210, <https://www.un-ilibrary.org/content/books/9789210561402c009>

matadalan²³ no modelu²⁴ husi Estratéjia Vitál. Relatóriu ne'e tenke inklui kualkér adverténsia ka ajustamentu ne'ebé nesesáriu ba dadus, liu-liu se dadus ne'e seidak atinji 95%. Importante tebes atu disemina rezumu pájina-ida ba polítika kona-bá rezultadu xave sira ne'ebé espezifika ona iha pasu 11, ne'ebé mós sei hamosu hahalok buka dadus barak liután husi parte interesada sira, no permite apoiu kontínuu ba kapasitasaun estatística iha Timor-Leste.

Bainhira bele ona prodús estatística vitál sira husi dadus rejistu sivíl nian, DJE bele halo tranzisaun husi halo sensus ne'ebé ho kustu aas no intensivu kona-bá rekursu dala rua iha tinan ida ba fali hala'o sensus tradisionál ida kada tinan 10.

- 18.1 Determina variável sira ne'ebé bele satisfás husi dadus rejistu sivíl nian, no variável sira ne'ebé sei presiza hetan husi métodu sira seluk, hanesan sensus ka levantamentu umakain nian ka fonte dadus administrativu sira seluk
- 18.2 Aloka rekursu ho maneira efikás atu nune'e la iha duplikasaun iha rekolla ba dadus no determina dala hira mak presiza rekolla dadus sira hodi informa kona-bá polítika sira no intervensaun saúde publika sira nian.

Konkluzau

Nu'udar nasaun ida-ne'ebé jóven iha mundu, Timor-Leste atinji ona pasu barak ne'ebé notável hodi reforsa ninia sistema rejistu sivíl no estatística vitál sira iha tinan 20 ikus ne'e, hanesan hatudu ona iha Figura 1 iha inísiu dokumentu ida ne'e. Maske nune'e, rejistu moris nafatin besik 60% kompletu, no entre ema na'in haat ne'ebé mate, menus husi ema ida mak hetan rejistu. Estimativa kona-bá ezaustividade rejistu kazamentu no divórsiu la eziste agora daudaun. Matadalan ida ne'e fornese kuadru prátiku ida-ne'ebé bazeia ba asaun ba parte interesadu sira no parseiru sira Governu nian atu kontinua reforsa sistema rejistu sivíl no estatística vitál iha Timor-Leste ho objetivu atu: (1) Hala'o rejistu ba eventu vitál sira hotu husi ema hotu ne'ebé mak hela iha rai laran no mós husi sidadaun timoroan sira ne'ebé hela iha rai-li'ur, no fornese

dokumentasaun legál kona-bá eventu vitál sira ba sidadaun timoroan no estranjeiru sira hotu ne'ebé hela iha Timor-Leste; no (2) Uza dadus rejistu sivíl nian atu dezenvolve relatóriu

²³ Vital Strategies, United Nations Economic Commission for Africa, United Nations Economic and Social Commission for Asia and the Pacific, and Statistics Norway (2020). Production of a Vital Statistics Report: Guide. Nova lorke, Vital Strategies. <https://www.vitalstrategies.org/wp-content/uploads/Production-of-a-Vital-StatisticsReport-Guide.pdf>


²⁴ <https://www.vitalstrategies.org/wp-content/uploads/Production-of-a-Vital-Statistics-Report-Template.docx>

estatística vital sira ne'ebé bele uza hodi informa polítika no hadi'a saúde no moris-dí'ak populaun nian.

Aneksu 1: Oinsá pasu ida-idak relasiona ho pilár xave haat ne'ebé presiza atu reforsa sistema RSEV

Seksaun ida-ne'e fó detallu liu kona-bá oinsá pasu ida-idak iha mapa estrada nian relasiona ho pilár operasionál xave haat ne'ebé presiza atu reforsa sistema RSEV. Bele halo revizaun ba seksaun ida-ne'e bainhira implementa, ka bainhira halo planu implementasaun ba kada pasu atu komprende di'ak liu konsiderasaun ba kada pilár xave haat. Figura 5 iha kraik esplika oinsá pasu ida-idak iha matadalan nian fó apoiu ba objetivu xave haat hodi reforsa sistema RSEV.

Figura 5: Pasu sira matadalan nian ne'ebé fó apoiu ba pilár haat hodi hadi'a sistema RSEV iha Timor-Leste



I. Dezenvolve kuadru legal forte ne'ebé tuir padraun internasionál sira

Iha kraik mak pasu sira ne'ebé presiza atu apoia dezenvolvimentu ba kuadru legal ida-ne'ebé forte tuir padraun internasionál sira

- Pasu 1: Ratifika dekretu Governu kona-bá RSEV nu'udar baze legal ba mekanizmu koordinasaun ida-ne'ebé fornese papél no responsabilidade klaru ba membru parte sira.
- Pasu 2: Halo mapeamentu ba prosesu ne'ebé bele ajuda informa rekomendasaun sira ba reforsa regulamentu sira.
- Pasu 3: Halo revizaun ba kuadru legal ne'ebé eziste ba moris, mate, kazamentu, divorsiu, adosaun, no lejitimasaun sira ho apoiu husi peritu ida.
 - a. Hanesan parte ida husi revizaun ne'e, haree mós regulamentu sira ne'ebé kobre kooperasaun no hahalok fahe dadus entre ajénsia Governu sira relasiona ho RSEV no fó rekomendasaun atu reforsa kuadru legal.
- Pasu 6: Prepara projetu alterasaun, atualizasaun, ka lejitimasaun no regulamentu foun sira bazeia ba rezultadu husi revizaun legal no kontribuisaun seluk hanesan mapeamentu ba prosesu hodi asegura katak Timor-Leste nia kuadru legal ba RSEV alinã ho padraun internasionál sira no katak ida-ne'e klaru no instrutivu ba interveniente oin-oin iha sistema.

II. Reforsu ba rejistu sivil nia operasaun sira

Sujere pasu sira tuirmai ne'e atu reforsa rejistu sivil nia operasaun sira.

- Pasu 1: Ratifika dekretu Governu nian nu'udar baze legal ba mekanizmu koordinasaun ida-ne'ebé fornese papél no responsabilidade klaru husi membru parte sira, ho objetivu atu hadi'a rejistu nia ezaustividade no fornese asesu no servisu nesesáriu ba populasaun hotu-hotu ne'ebé hela iha Timor-Leste
- Pasu 2: Halo mapeamentu ba prosesu, ne'ebé bele ajuda informa kona-bá iha ne'ebé mak iha lakuna operasionál balun.
- Pasu 4: Halo avaliasaun lais seluk atu fornese instantáneu atuál ida kona-bá sistema ne'e iha ne'ebé no kona-bá lakuna ka frakeza balun ne'ebé sei iha, no se karik presiza halo avaliasaun kle'an liután iha área balun. Ida ne'e mós sei ajuda reforsa envolvimentu parte interesada sira-nian no hetan ímpetu bainhira la'o ba planu estratéjiku ida.
- Pasu 5: Revizaun ba área avaliasaun nesesáriu. Ida ne'e bele inklui kualkér área ne'ebé hetan iha ámbitu mapeamentu ba prosesu ka husi ezersísio avaliasaun lais, ka kualkér área ne'ebé la klaru bainhira bazeia ba rezultadu avaliasaun global uluk nian no ne'ebé presiza investigasaun tan. Ida ne'e mós sei inklui determina se karik iha kobertura

adekuaudu ba eskritóriu rejistu sivíl ba populasau Timor-Leste atu hetan asesu ne'ebé razoável ba servisu rejistu sivíl sira

- Pasu 7: Harii Kapasidade Pesoál sira nian atu nune'e pesoál sira bele komprende ho klaru sira-nia knaar no responsabilidade no bele fó apoiu ba hadi'a sistema RSEV ho objetivu atu hala'o rejistu kompletu ba eventu vitál sira hotu.
- Pasu 9: Fó prioridade ba área intervensaun sira. Konsidera oinsá atu hadi'a di'ak liu kobertura. Ida ne'e bele liu husi aumenta rejistu móvel, ne'ebé la'o hela, ka liu husi halo planu orsamentadu ba tempu naruk atu aumenta eskritóriu rejistu nian hodi asesu di'ak liu.
- Pasu 12: Dezenvolve Planu Estratéjiku atu Hadí'a RSEV ne'ebé orsamentadu, inklui kustu atu hadi'a RSEV nia operasaun, atividade, responsabilidade, no prazu spesífiku ba manutensaun, monitorizasaun, no atu hadi'a sistema RSEV.
- Pasu 14: Aprovasaun ba Planu Estratéjiku atu Hadí'a RSEV husi nível aas Governu nian atu aseguza adezaun no kontinuasaun ba operasaun sira.
- Pasu 15: Implementa planu estratéjiku ho foku ba hadi'a operasaun sira no kobertura ho objetivu atu hasa'e rejistu nia ezaustividade.
- Pasu 16: Kontinua monitoriza atividade no intervensaun sira husi planu no hala'o reajamentu ba kursu ne'ebé prezisa atu reforsa sistema RSEV ne'e.

III. Hasa'e koordinasaun ente entidade sira RSEV nian

Sujere pasu sira tuirmai ne'e atu hadi'a koordinasaun entre parte interesada sira husi RSEV.

- Pasu 1: Ratifika Rezolusaun Governu nian nu'udar baze legál ba mekanizmu koordinasaun ne'ebé fornese papél no responsabilidade klaru husi membru parte sira no sira-nia responsabilidade ba kooperasaun no ba hahalok fahe dados.
- Pasu 2: Hamutuk ho ajénsia no interveniente hotu-hotu ne'ebé envolve, hala'o ezersísiu mapeamentu ba prosesu ba moris, mate, kazamentu, divórsiu, adosaun, no lejitimsaun sira. Husi ezersísiu hirak-ne'e mak determina iha ne'ebé mak la klaru ka la iha prosesu, lakuna iha fluksu dados, ka siloes, no iha ne'ebé mak prezisa hadi'a koordinasaun no hahalok fahe dados hodi hadi'a sistema.
- Pasu 3: Halo revizaun ba kuadru legál ne'ebé eziste ba moris, mate, kazamentu, divórsiu, adosaun, no lejitimsaun sira ho apoiu husi peritu ida.
 - a. Hanesan parte ida husi revizaun ne'e, haree mós regulamentu sira ne'ebé kobre kooperasaun no hahalok fahe dados entre ajénsia Governu sira kona-bá RSEV no fó rekomendasaun sira atu reforsa kuadru legál.

- Pasu 4: Halo avaliasaun lais seluk atu fornese instantáneu atuál ida kona-bá sistema ne'e iha ne'ebé no kona-bá lakuna ka frakeza balun ne'ebé sei iha, no se karik prezisa halo avaliasaun kle'an liután iha área balun. Ida ne'e mós sei ajuda reforsa envolvimentu parte interesada sira-nian no hetan ímpetu, no mós prioriza kooperasaun, bainhira la'o ba oin tuir diresaun planu estratéjiku ida.
- Pasu 5: Revizaun ba área avaliasaun nesesáriu. Ida ne'e bele inklui kualkér área ne'ebé hetan iha ámbitu mapeamentu ba prosesu ka husi ezersísiu avaliasaun lais, ka kualkér área ne'ebé la klaru bainhira bazeia ba rezultadu avaliasaun globál uluk nian no ne'ebé prezisa investigasaun tan. Area avaliasaun seluk tan bele inklui prosesu atu reforsa koordinasaun ka hahalok fahe dados.
- Pasu 6: Apoia atualizasaun ba kuadru legál atu nune'e regulamentu sira bele sai klaru no deskreve papél no responsabilidade sira no kordenasaun no hahalok fahe dados
- Pasu 7: Harii Kapasidade Pesoál sira nian atu nune'e define momoos knaar no responsabilidade sira no pesoál sira mós bele kompreende sira nia knaar no responsabilidade ho klaru, liuliu knaar sira ne'ebé inklui koordinasaun atu fahe dados.
- Pasu 9: Fó prioridade ba área intervensaun sira. Konsidera oinsá di'ak liu atu hadi'a koordinasaun no hahalok fahe dados.
- Pasu 12: Dezenvolve Planu Estratéjiku atu Hadi'a RSEV ida-ne'ebé orsamentadu, inklui intervensaun sira ne'ebé bele foti hodi koordena di'ak liután ajénsia sira no fahe dados ba entidade oioin.
- Pasu 14: Aprovasaun ba Planu Estratéjiku atu Hadi'a RSEV husi nível aas Governu nian atu asegura adezaun no kontinuasaun ba operasaun sira.
- Pasu 15: Implementa planu estratéjiku ho foku ba hadi'a operasaun sira no kobertura ho objektivu atu hetan koordinasaun di'ak liután atu hasa'e rejistu nia ezaustividade.
- Pasu 16: Kontinua monitoriza atividade no intervensaun sira husi planu no hala'o reajamentu ba kursu ne'ebé prezisa atu reforsa sistema RSEV ne'e.

IV. Hadi'a hahalok fahe dados, analiza, no disseminasaun no utilizasaun ba estatística vitál sira

Sujere pasu sira tuir mai atu hadi'a hahalok fahe no analiza dados, no disseminasaun no uzu ba estatística vitál sira.

- Pasu 1: Ratifika Rezolusaun Governu nian nu'udar baze legál ba mekanizmu koordinasaun ne'ebé fornese papél no responsabilidade klaru husi membru parte sira no sira-nia responsabilidade ba kooperasaun no ba hahalok fahe dados.

- Pasu 2: Hamutuk ho ajénsia no interveniente hotu-hotu ne'ebé envolve, hala'o ezersísiu mapeamentu ba prosesu ba moris, mate, kazamentu, divórsiu, adosaun, no lejitimasaun sira. Husi ezersísiu hirak-ne'e mak determina iha ne'ebé mak la klaru ka la iha prosesu, lakuna iha fluksu dadus, ka siloes, no iha ne'ebé mak presiza hadi'a koordinasaun no hahalok fahe dadus hodi hadi'a sistema. Hanesan parte husi ezersísiu ne'e, importante mós atu hala'o ezersísiu mapeamentu ba dadus hodi komprende dadus saida mak halibur hela no oinsá dadus sira fluksu entre entidade oin-oin.
- Pasu 3: Halo revizaun ba kuadru legál ne'ebé eziste ba moris, mate, kazamentu, divórsiu, adosaun, no lejitimasaun sira ho apoiu husi peritu ida.
 - a. Hanesan parte ida husi revizaun ne'e, haree mós regulamentu sira ne'ebé kobre kooperasaun no hahalok fahe dadus entre ajénsia Governu sira kona-bá RSEV no fó rekomendasaun sira atu reforsa kuadru legál.
- Pasu 4: Halo avaliasaun lais seluk atu fornese instantáneu atuál ida kona-bá sistema ne'e iha ne'ebé no kona-bá lakuna ka frakeza balun ne'ebé sei iha, no se karik presiza halo avaliasaun kle'an liután iha área balun. Ida ne'e mós sei ajuda reforsa envolvimentu parte interesada sira-nian no hetan ímpetu, no mós prioriza kooperasaun no produsaun ba estatística vitál sira bainhira la'o ba oin tuir diresaun planu estratéjiku ida.
- Pasu 5: Revizaun ba área avaliasaun nesesáriu. Ida ne'e bele inklui kualkér área ne'ebé hetan iha âmbito mapeamentu ba prosesu ka husi ezersísiu avaliasaun lais, ka kualkér área ne'ebé la klaru bainhira bazeia ba rezultadu avaliasaun globál uluk nian no ne'ebé presiza investigasaun tan. Area avaliasaun seluk tan bele inklui prosesu atu reforsa koordinasaun ka hahalok fahe dadus no produsaun ba estatística vitál sira.
- Pasu 6: Apoia atualizasaun ba kuadru legál atu nune'e regulamentu sira bele sai klaru no deskreve sá dadus mak tenke fahe ho sé, uza sá maneira, no dala hira no sá dadus mak tenke prodús, ho maneira saida no bainhira.
- Pasu 7: Harii Kapasidade Pesoál sira nian atu nune'e knaar no responsabilidade sira bele define no komprende ho klaru, liuliu knaar sira ne'ebé inklui koordinasaun ba hahalok fahe dadus. Pesoál estatístiku sira presiza dadus kontínuu no kapasitasaun kona-bá análise, no tenke fó prioridade ba ida-ne'e iha planu estratéjiku.
- Pasu 8: Halo avaliasaun ida kona-bá qualidade dadus nian, tantu kona-bá oinsá mak hala'o rekolla ba dadus sira iha fonte, no sá dadus mak rekolla iha fonte, atu hadi'a uzabilidade no fiabilidade dadus rejistu sivíl nian ba estatística vitál sira.
- Pasu 9: Prioriza área intervensaun sira. Konsidera oinsá mak di'ak liu atu hadi'a hahalok fahe dadus, analiza dadus, no disseminasaun ba uzu polítiku, ho hanoin kona-bá rezultadu sira husi avaliasaun ba qualidade dadus nian no ezersísiu mapeamentu ba prosesu dadus.

- Pasu 10: Tinan-tinan prodús kontajen dezagregadu kona-bá eventú vitál sira no estimativa kona-bá rejistu ni ezaustividade, maske dados la iha kualidade aas atu halo relatóriu estatística vitál kompletu.
- Pasu 11: Prodús rezumu ho pájina-1 ba polítika, ne'ebé inklui rekomendasaun polítika sira. Bele uza hirak-ne'e hodi defende melloramentu ba sistema RSEV iha planu estratéjiku atu hadi'a RSEV. Produsaun beibeik tinan-tinan ba rezumu sira ne'e ajuda harii kapasidade estatística atu habelar estatística vitál ne'ebé kompleksu liu.
- Pasu 12: Dezenvolve Planu Estratéjiku atu Hadi'a RSEV ne'ebé orsamentadu, inklui intervensaun sira ne'ebé bele foti hodi koordena di'ak liután ajénsia sira, hahalok fahe dados, harii kapasidade atu analiza dados, no iha objetivu ikus liu atu uza dados rejistu sivíl nian hodi prodús estatística vitál sira.
- Pasu 13: Prodús relatóriu estatística vitál badak liu husi halo revizaun ba dados jeográfiku nível ki'ik hodi determina se kualkér dados rejistu sivíl kompletu liu iha área ruma nia leet, hanesan iha distritu ida iha Dili. Prodús relatóriu estatística vitál, maske dados ne'e la perfeitu ka kompletu, ba área ida-ne'ebé ezaustividade rejistu nian iha ka liu 80%. Ezersisiu hanesan ne'e sei ajuda harii kapasidade atu halo relatóriu liután no bainhira fahe ho parte-interesada oioin, sei harii nesesidade ba dados hanesan ne'e iha futuru.
- Pasu 14: Aprovasaun Planu Estratéjiku atu Hadi'a RSEV husi nível aas Governu nian atu asegura adezaun no kontinuasaun ba operasaun sira.
- Pasu 15: Implementa planu estratéjiku ho foku ba hadi'a hahalok fahe dados no análze ho objetivu atu uza dados rejistu sivíl hodi prodús estatística vitál sira.
- Pasu 16: Kontinua monitoriza atividade no intervensaun sira planu nian no hala'o reajustamentu ba kursu tuir presiza atu reforsa sistema RSEV ne'e.
- Pasu 17: Tuir ezaustividade rejistu nian sai di'ak liután no hahalok fahe dados aumenta, haluan ámbitu relatóriu estatística vitál ne'ebé eziste ho análze demográfiku kle'an liu.
- Pasu 18: Bainhira ezaustividade rejistu nasional nian to'o ona pelumenus 80% ba moris no mate, prodús relatóriu estatística vitál ne'ebé representa nível nasional ne'ebé uza dados rejistu sivíl ho objetivu atu dezenvolve relatóriu sira-ne'e pelumenus kada tinan tolu to'o lima. Ho ida-ne'e, halo tranzisaun husi halo sensus dala rua iha tinan ida ba kada tinan 10 dala ida bainhira dados rejistu sivíl nian forte ona atu prodús estatística vitál.